

閩書


四十八之五十一

			九	漢
		一〇七	〇	書
	一	三	三	門
四	一	一		
冊	架	函	號	類

庫	文	閣	內	
九	九			漢
函	四	〇	七	書
一	一	三		
五	一			
架	冊	號	類	

內閣文庫	
番號	漢 9073
冊數	40 ( 15 )
函號	292 86

十五



綴じ部(喉部分)の文字等が開きが不鮮明な場所あり

國書卷之四十八

文苑志



禮部人以其資入太學授本官後累官副使能學學  
著石陞戶部右侍郎

王璠

璠字友封大以秀才在武安州揚州精書法後轉訟出守  
任職不待察



閩書卷之四十八

文蒞志




禮吳江人以歲貢入太學授本省按察副使能聲卓

著石陞戶部右侍郎

王璉

璉孟縣人以秀才任激濁揚清精審法律聽訟由理  
探情不恃鞭撻



李惟益賀弼聞人善慶陸仲英

右洪武中任

李温盧文達陳思聰樊或

或聞喜人以歲貢入大學除瑞州通判歷本省而舶  
提舉陞副使文行爲時推重終太僕少卿

高永康童銓李公正張翥鍾永用許昇衛浩

浩字李洪常熟人以大學生與脩

高廡實錄

擢御史出理幽薊諸郡文卷時

仁廡爲太子

出守北平浩入見言事稱旨賜經書食物後歷本省  
副使擢江西以老乞歸居官謹論風節勁挺存心忠

厚平反多獄

李琳劉隆

隆彭澤人自大學生擢廣州同知勤於政事尋陞福  
建參議副使轉廣西所至有聲

謝字

字字以誠當塗人永樂四年進士以督餉口北事竟  
扈從回還陞見陞本省按察副使伉直自將嘗言方  
岳之官所以表式下寮不得行其志則已矣可自屈  
哉後改陝西以忤中貴著聲

劉翔

翔剡城人入太學疏陳時政得失 成祖嘉納

除刑部王事累福建副使嚴舉劾合輿論

胥必彰

必彰字德顯龍陽人以國子生擢御史嘗奉命鎮守

耳肅邊務振舉陞本省副使坐累降御史巡按廣東

歷河南叅議雖傷巖刻而所至有守有為

右永樂中任

成寧可

右洪熙中任

祝戒劉棻王增

增南城人洪武末以監生任御史剛毅直亮風節凜

然嘗居母喪隣舍火將及增慮母棺不免朝服望拜

欲赴火死天遂反風官至本省副使

胡智

智字宗愚會稽人永樂十九年進士授監察御史中

貴人某怙寵觸法連引齊魯楚蜀數郡智奉詔訊鞫

盡得其情擢福建副使墨吏望風解綬遷廣西按察

使

姚震

右宣德中任

王讓高敏曹祥丘俊胡新周瑄

瑄字弘璧淳安人正統元年進士以刑部郎陞副使

鎮建寧摩撫傷殘招集新衆增城浚濠寇退民安

朝廷齎賜織金文綺二表裡鈔百錠進食三品祿

三載進階中憲大夫以嘉其功

右正統中在

徐朝宗顧暉

右景泰中在

吳中

中賓州人正統十年進士歷本省副使嚴不傷猛行

部所至官吏敬憚時未設提學諸生中考較咸服公

明

鄭顥見巡按沈訥

訥字文敏崑山人正統七年進士歷福建僉事督松

溪銀治洞蠻鄭懷昇擁衆嘯聚於臺山朝命都御

史劉廣衡發兵討勦之廣衡拔訥爲前部訥從間道

架入其阻躬自持戰身被二矢一統奮關益急賊不

能支遂悉殲焉訥後與廣衡言奏於朝請置縣日壽

寧鎮之遷副使卒

郎勝邵宏譽

宏譽字德昭餘姚人永樂二十二年進士官監察御史用薦擢翰林脩撰尋陞本省副使領兵征鄧茂七火機太監曹吉祥欲殺之監軍者尚書金濂宏譽同年也方入謁求免吉祥忽至急索宏譽宏譽竄入後幕幕客周鼎視其貌曰公殺氣定矣啜之茶匿之曹竟去後以寇平錄功復湖廣副使宏譽天性孝友親廬墓居官清白犯而不校寬然長者也

王凱鄭佑

佑常山人景泰二年進士持憲有體寬猛不苛縱時有旨命按史會審臬考察郡縣官憲司推佑所至黜

陟甚當以公事過家卒閩人惜之

錢璉

一作浦清

右天順中任

余洵

洵字允清鄞人以鄉薦累福建副使下艱改湖廣復改陝西晉其省布政剔歷三省大著賢聲

牟俸

俸巴人由進士擢監察御史陞本省按察僉事副使政尚嚴刻行部所至郡縣肅然進江西按察使終應天巡撫都御史坐為陳鉞汪直所構下詔獄謫戍

何喬新

喬新字廷秀廣昌人景泰五年進士累福建按察副使浙寇千餘人盜採壽寧等縣銀鑛所過剽劫喬新募鄉兵擊斬之福寧有豪暴殺人出入隨兵甲拒捕者三十年喬新設方畧生致其父子其地連歲被寇加以水災廬舍蕩然水後疫氣大作死者十三四徃徃暴露喬新行部至延問父老悉心荒政民若更生仕終刑部尚書卒贈太子少保謚文肅為弘治間名臣喬新在閩有跋余應詩云余應閩儒也有詩叙元順帝為宋帝顯之子其詩曰皇宋第十六飛龍元朝

降封瀛國公元元君詔公尚公主時家賜宴明光宮酒酣舒指爬金柱化為龍爪驚天容元君含笑語群臣鳳雛寧與凡禽同侍臣謀獻將見除公主夜泣沾酥曾瀛公晨馳見帝師大雄門下叅禪宗幸脫虎口走外方易名合尊沙漠中是時明宗在沙漠締交合尊情頗濃合尊之妻夜生子明宗隔帳聞生鏞乞歸行營養為嗣皇考崩時年甫童文宗降詔移南海五年乃歸居九重壬癸枯乾丙丁發西江月下生涯終至今兒孫王沙漠吁嗟趙氏何其雄惟昔皇祖受周禪仁厚綽有三王風雖因浪子失中國世為君長傳無



窮喬新跋而釋之以明天報宋太祖之厚其跋曰詩  
叙元順帝爲瀛國公之子也壬癸枯乾丙丁發之句  
蓋壬癸爲水丙丁爲火元以水德王而宋以火德王  
也云江西月下生涯終者故老相傳順帝北道殂於  
應昌倉卒取江西寺梁以供梓宮之用梁間隱隱有  
字亟視之乃江西月一調有龍蛇跨馬亂如麻可汗  
却在江西寺下之句或云太保劉秉忠所作故應云  
爾考之於史瀛國公以德佑丙子降元時年六歲後  
十有二年爲至元戊子瀛國公學佛法於吐蕃又二  
十八年爲延祐丙辰仁宗遣明宗出鎮雲南明宗不  
受命逃之漠北其與瀛國公締交蓋在此時矣安懽  
帖睦爾以元統癸酉即位是爲順帝時年十四其生  
當在元祐庚申上距丙子凡四十四年而瀛國公年  
始五十矣余應之詩或有徵也史又云文宗以乳母  
失言明宗在日素謂上非其子黜之江南召奎章閣  
學士虞集書詔播中外而不言順帝爲何人之子蓋  
諱之也予年二十時赴江西鄉試從館人家見古樂  
府一帙內有沙漠主一篇云楊蔗夫所作予方從事  
科舉不暇錄也但記其篇末句云吁嗟乎鳳爲鳩龍  
爲魚三百年來龍鳳裔竟墮左衽稱單于又識其後

云宋太祖之德至矣肇造帝業不傳諸子而傳諸弟  
太宗負約金人之觚舉族北遷太祖末孫復紹大統  
有江南者百餘年爲元所滅而瀛國公之子陰纂元  
緒世爲漠北主天之報太祖一何厚哉其言頗與應  
合近考鐵崖樂府無此篇豈出於假托邪抑有所遺  
邪因具疏以廣異聞何公此跋無與宦蹟以其出於  
閩儒所作而公跋之又因以廣  
異聞且余應不詳何縣  
人又因以見應故附此

潘楨

潘楨字景徵廬州人天順庚辰進士授監察御史亮  
節直聲擢福建副使明慎果斷賦無冗帶福建產銀

礦先是輸課者加耗息至千因發其好而以補他課  
之逋擢四川按察使

辛訪

訪字啓道襄城人景泰二年進士擢監察御史歷轉  
閩臬奉勅巡視海道湖海大姓私造海艦歲出諸番  
市易因招剽殺訪捕其巨黨寘諸法而沒入其艦事  
連達官窮治甚急其家誣訪激變良民訟于御史或  
勸少緩其獄訪奮曰寧執法死不忍市生自是奸民  
屏息海道肅清

游明

明字太昇豐城人景泰二年進士除刑部主事兩持中貴獄天順未陞本省按察僉事提督學政待諸生有恩義而尤以公廉著稱滿九載進副使仍督學校成化間卒入郡諸生皆為位僧寺而哭之

應顯

見左

馮俊

俊字士彥宜山人天順四年進士以刑部郎出為福建按察副使時建寧指揮楊暉者文貞公孫也恣橫害人閩之上官以文貞公故庇之俊至民復訴暉俊自臨訊旬日獄具疏上其事暉逃入京竟被逮以死以外艱去復除湖廣兵備累遷廣東布政副都御史

巡撫四川卒俊剛毅廉節至老不移在廣東時夫人吳氏念俊無姬侍欲為置之憚於發言偶俊他往以厚禮娶廣西張某女為治奩飾比俊歸將入寢見一妹侍側驚問故夫人從容荅曰吾老矣不能事公置此侍巾櫛俊曰夫人意甚善第今吾方有事請少待遂出宿於庫明召其父母還之并與其粧奩財禮令擇婿改嫁巡撫四川有知州故人子也獻徽墨數笏俊怪其重試之乃黃金塗即擲還之而亦不以語人

梁覲林榮

榮字孟仁番禺人天順八年進士授南京監察御史

成化中擢按察副使巡視海道俘海寇四百餘人解官家居

劉珂

珂字本佩安福人景泰五年進士授麻城知縣嘗悟五蛇入庭而伸五人橫死之寃擢御史歷本省副使署督學政章縫景仰終廣東布政使

劉喬

喬字述憲萬安人尚書廣衡子舉成化二年進士授歸安縣擢監察御史按畿內獨特風裁轉閩臬副廉明益著有大俠秘通番射利上下盤詰莫能制承斷

遣之歷胡廣右布政

溫琮

見左李冕

冕字文中劍州人天順四年進士歷湖廣按察僉事振起廢墜政譽赫然遷福建副使

周鶴胡榮

榮字希仁新喻人自少游心理學登景泰五年進士歷給事中遷閩憲職官終叅政

劉城汪進

進字希顏婺源人天順八年進士授刑部主事峭直執法歷福建副使暹夷數千人乘大艦假以入貢迫

境進職巡海率官軍聯舟鼓譟往夷遁去仕終陝西  
左布政居官三十餘年家無餘貲

高崧

見按

張玉

見右布政

右成化中任

郝志義

志義字宜之清澗人成化五年進士歷本省鹽運司  
同知轉按察副使終刑部侍郎為人嚴毅狷介猶蹈  
矩矱卒其子舉入序為請祭塋劉瑾以義雅不附已  
寢其奏仍革序舉人矯詔下獄杖之

羅景

環字明仲泰和人天順八年進士及第第三人歷司  
經局洗馬為李孜省所中調南部屬轉福建提學副  
使政尚寬簡程試外恒以義理為教冢宰王恕特薦  
為國子祭酒以疾乞歸

蕭謙司馬璽

璽字通伯山陰人天分超絕年十五作廬山賦出語  
驚人成化八年進士授御史提督南畿學政敏閱粹  
論多士矜服陞福建副使尋致仕歸襟度清灑大節  
磊落君子也

楊澤

澤天台人成化八年進士以憲副行部福寧拓脩學宮與諸生講究如師友即舊舫若庵設朱文公主祀其中取所手墨刻列四壁

韓紹宗

紹宗字裕後朝邑人成化十四年進士歷刑部郎遷福建副使有魏叅政某子撻人于市即追撰之叅政擄其子亡已而鎮守陳中官其舍人郡奪屠者肉匿中官所吏捕之急中官呼諸舍人出數之曰此新韓副使也若等何如魏叅政子遂送抵罪後又有鎮守鄧某無故笞一吏死吏舍人訴之御史按察使悉付不問紹宗獨鞫之鄧方盛具殷勤窺紹宗旨紹宗于他事則吝于死吏則或吝或默雜諸劇笑因以困鄧既出召衛指揮責數之曰太監非能笞死吏籍虎而毒皆若卒矣急捕來不者勿復見我及捕而治而為鄧謀者令卒赴訴御史臺言未嘗笞吏死又令鄧多予吏舍人金教言吏實病死非死杖下于是御史下按察使而鄧遂無事然終以此嘆紹宗其後紹宗代管海道捕海寇急寇王某覘知鄧隙漫為書與捕者因誤遺鄧而云韓副使生我受我金矣鄧即以奏聞是時戴珊為都御史直紹宗竟報罷知州曰某馮社

受球事覺無敢問紹宗決遣之通判湯珍嘗爲吏部  
其人辨有口而與知縣高廷相訐奏詞連兩臺及三  
司官朝命給事中郎中勘治獄久不決紹宗片言立  
剖湯許皆免官紹宗在福建數月郡縣吏以法問罷  
及所聽斷平反者甚多然竟坐鄧事爲忌者所中歸  
子邦彥邦奇邦靖皆登進士而邦奇至大官

韋斌

斌山陽人成化十四年進士本省副使提督學校嚴  
課程重行檢奉例沙汰不無過當公足諒也竟以耿  
直不徇致仕去

陳振

振字時起郵人成化十七年進士授吳縣令陞御史  
風采踔發而謀猷殘密轉福建按察副使連遭大艱  
服闕除雲南特逆瑾竊柄門多贊謁振起家艱赴部  
獨不見瑾瑾心鄙之然閩滇先後受事皆索廢不得  
各且益顯終山東右布政

馮玘邵莊賈錠

錠字良全安陽人成化十四年進士授汝水縣以賢  
能擢御史歷福建僉事建寧礦賊寇溫處福寧等州  
撫按請以錠爲備兵使者數郡遂寧進憲副終右副

都御史

劉丙

丙字文煥安福人成化二十三年進士改庶吉士進  
監察御史按歷所至風采壁立陞副使提督閩學道  
尊教立終工部侍郎  
曾昂丁養浩

養浩仁和人成化二十三年進士歷本省副使累官  
雲南右布政致仕平生剛介不所有譽賽之舉事母  
至孝宦游三十載妻子恒留事母而以一僕自隨  
呂璋杭齊見右布政余奉寶張壘王欽

陸偁

右弘治中在任  
見巡按王懋中

懋中字與時安福人成化二十年進士宰南樂歷本  
省副使操履清介不避權貴終南右都御史安福有  
官譜之名懋中為稱首

龔嵩蕭淵薛英陳玉

玉字德鄰高郵人弘治六年進士改庶吉士歷福建  
副使累陞南右都御史致仕  
老成卒贈太子少保  
楊子器



子器字名父慈谿人成化二十三年進士授崑山令  
最績陞吏部主事員外郎郎中出為湖廣叅議轉福  
建提學副使程督嚴明人稱精鑒終江西左布政使  
子器天性剛介沉厚矯亢持廉人不敢干以私亦未  
嘗以私干人

姚鏞見右布政王泰

泰翼城人成化十七年進士起家縣令陞南刑部主  
事遷員外郎劉瑾擅權例索饋謝泰曰介人之寵其  
識不遠遂乞致仕瑾敗起福建副使歷山東布政使  
尋病歸林貞肅俊嘗薦泰於冢宰楊一清稱其溫粹

類韓貫道孔特類張公實而量過之中和薰尚朕平  
篤行君子也

楊璋陸健

健字文順觀人弘治十五年進士官刑曹陞貴州僉  
事棘棘持憲率先戎行討定平西判苗刷卷御史盛  
氣凌兩司兩司氣沮健獨與抗執其奸人堂上為他  
御史所害沒其戰功已轉福建副使至官憤恚卒囊  
無留貲鄉人姚鏞與同官為經紀

何光龍

光龍大庾人繇進士初授刑科給事中陞湖廣僉事

復陞福建副使所至有聲

湯沐

沐字新之江陰人弘治九年進士令崇德擢御史舉  
彈無避畏陞湖廣按察僉事遷福建副使楊文襄一  
清柄銓舉天下方面治績超最者沐與故大司馬李  
承勳少司馬劉玉首被旌異仕終大理卿

陶煦陳懷涇唐澤

澤字需之歙人弘治十二年進士任平鄉知縣築河  
堤百八十里自刑部郎擢本省副使勦賊蘇世浩等  
加奉二級官至戶部右侍郎謚襄敏

劉玉

玉字咸栗萬安人祖廣衡見鎮撫父喬見副使玉弘  
治九年進士除知輝縣召爲監察御史極論太監劉  
瑾罪惡忤旨下吏罷歸瑾敗起河南僉事陞福建提  
學副使先德行崇名檢閩人祀之三山歷南院左僉  
都提督江所有與平宸濠功改刑部右侍郎

李志剛

志剛字近仁涇陽人弘治十八年進士歷本省副使  
初官軍月餉八斗時給之價布政使伍符素節則刀  
以糴賤稱裁其數衆譁訴御史議未定有進貴葉元

保者富而黠鳩黨盟誓鼓譟以殺狂布政爲名執而辱之鄉紳都御史林廷玉副使高文達出諭乃定至八月貴等復亂相與屯聚大索城中金帛廷玉文達再往諭則不聽矣於是志剛默討勦獲貴黨有姚景通者恚分金少請爲內應志剛遂與鎮守謀令北門軍攻貴貴走追斬之盡殪其黨

胡鐸

鐸字特振餘姚人弘治十八年進士選庶吉士改給事中忤逆瑾出爲河東運副轉本省僉事駐劄建寧獎儒雅雪完微按史疏其二十事聞於朝遷本省督

學副史教士先理學而嚴朱陸之辨人稱胡道學又謂小夫子歷太僕寺卿卒

黃昭陳良珊潘珍

珍字玉卿婺源人弘治十五年進士授諸暨令歷陞山東僉事副使備兵遼東改福建捕斬海南劇盜三百餘級括刷海舟之爲奸利者陞湖廣布政使歷兵部侍郎世宗議征安南莫夷珍抗言其不便坐落職尋詔致仕

右正德中任

顧棠汪英沈霽

齊字子公華亭人正德六年進士授行人擢御史按  
視江北有冤鬼號哭十年餘齊至雪之鬼遂不號陞  
本省副使肅清海道擒獲叛賊吳三黃福等衆有觸  
萑苻者捕既得呼使前能改寬若罪盜叩首請未幾  
復獲曰何面目見沈公遂自刎死江西巡撫聶賢特  
薦之將內轉會聞有海商王勝欲通夷爲市以貨賂  
巡按簡某受而許之齊力持不可遂爲所忌慨然曰  
姜桂之性違恤其他竟以是改貴州而內轉之命寢

邵銳

銳字思仰仁和人正德二年舉禮部第一改翰林院  
庶吉士值逆瑾擅政焦芳劉宇深相結芳子黃中宇  
子仁皆爲吉士未幾傳旨俱授編修銳以甲策居仁  
上亦併授焉耻與爲列方具疏辭免會其兄至以危  
言沮之亦尋守制瑾敗改寧國推官尋擢南京文選  
主事轉祠祭員外郎請給歸起爲江西督學僉事進  
福建副使仍董學政以變士習重風教爲先其於考  
子節婦多所表揚士翕然化之歷太僕寺卿卒贈都  
察院右副都御史謚康僊銳醇和儉朴內行醇倫造  
詣精渾耻於近名天下以爲真學問

張邦奇

邦奇字常甫鄞人弘治十八年進士改庶吉士授檢討憤逆瑾恣橫著張謩乘槎賦見志已乞告歸省出爲湖廣提學副使至則出教曰當職所責非徒文也學不師孔顏行不希曾閔帥翰雄藻褒且見斤罷乞終養歸嘉靖初起提學福建其教如湖廣累南兵部尚書贈太子太保謚文定

祝鑾

鑾字陽和當塗人正德三年進士歷浙江右叅議遷本省巡海副使翩翩文雅儒學歸治持重端凝政無

紊

范永鑾鄭佐

佐字時夫歙人正德九年進士授南刑部主事改祠部郎嘉靖初抗疏議禮出爲福建僉事副使前後誅宿寇機發颶舉尋備兵饒州陞其省左叅政執政以前在禮曹持議心固欲黜之冢宰擬擢佐上副封執政執政悞曰官籍中尚有其耶塚宰遂徙佐叅政貴州乞解職歸佐裁正耿介推誠近人究心漢洛從弟子講論不輟縣車二十年掃軌絕賓客

吳仕

仕字克學宜興人正德二年發解南畿登九年進士

初授戶部主事累遷山西福建提學聶文貞公爲御  
史病足一履一鞞而見之仕嫌其慢遂棄歸時人  
問今歲解元當是何人曰同安人也及放榜則劉汝  
楠果同安人矣四川叅政終官  
主俊民

俊民字用章石首人正德九年進士以大名同知遷  
福建僉事備兵汀漳汀漳道連三省多盜每訟必牽  
引數十人坐淹歲月俊民理滯平寃庭無留案閩中  
叛卒糾平民爲漳南巨患設策分布民兵往捕并其  
黨擒之擢廣東叅議轉山西副使改福建丁艱歸終  
雲南左布政俊民亮直練習文法蒞政詳謹條禁應  
猝皆中款會卒無他羸人稱廉介

郭持平

見按察使方豪

豪字思道開化人正德三年進士知崑山調沙河陞  
刑部主事諫武宗南巡廷杖累陞福建副使奉  
表南旋以制居卒豪英俊奇特援筆成文新麗宏肆  
與何景明黃河清鄭性之諸名輩相頡頏才名友誼  
卓然一時

金賁亨

賁亨字汝白臨海人少即知學長潛心伊洛正德九

年進士歷佐閩臬督閩學閩道南書院崇祀延平豫  
章龜山明道及晦庵五先生復記其說於書院之碑  
刻五先生行述語錄載道南錄中復疏於朝請豫章  
延平羅李二先生從祀以爲朱熹學于李侗侗學于  
羅從彥從彥學于楊時時學于程灝是時所傳以授  
從彥者即濂洛諸儒所以繼孔孟之統者也又擇志  
向尤異之士聚之養正書院相與推明洛閩微盲人  
士多所嚮風與部使者忤解綬歸三子俱登第立敬  
嘉靖季復督閩學

曾鳴

鳴字元翰瓊山人嘉靖二年進士知龍溪兵荒相仍  
乃緩征歛捐俸修學築八都諸堤民立石頌德祠之  
擢刑部主事歷福建副使善辨冤獄改貴州備兵都  
勻旬月平土酋蒙鉞之亂招降凱口賊阿向晉參政  
入覲時武定侯郭勛得幸外官多所饋遺鳴曰素乏  
阿奉今老矣能改節會有術之者遂歸海忠介解鵬  
爲先輩師云

謝汝儀

汝儀字國正鄞人正德九年進士授餘干知縣擢監  
察御史上疏乞寬假議禮諸臣請誅巨璫谷大用等

陞按察僉事備兵嶺東轉兵備漳南設訪海四策時  
流賊李良武輩聞風解散海道肅清尋進巡海副使  
奏設詔安縣安邊館立墩臺蓄番兵爲一方保障視  
臬篆晉江縣巡簡張隆爲梅賊劫殺捕之未獲捕盜  
者誣執漳民販海者陳大淵等二十六人獄成淹禁  
死者六人莆田縣民彭僧亨等誣姦人命汝儀悉蕪  
實出之巡按御史以聞

世宗嘉汝儀能辦理

冤獄

詔吏部擢用仕終江西按察使汝儀平生峻  
整終日斬斬未嘗輕語笑至道義孚契即膠結不解

嚴中然若無感否及遇大事臨大患壁立不可已

張太輪潘潢

潢字薦叔婺源人舉正德十六年進士疏請行郊禮  
授樂清令徵人禮部改吏部以選事忤冢宰復左遷  
禮部尋督學閩中嚴規條賑貧斥競搜焚市肆中壞  
教書招下縣童子聚學立輔仁紀業二籍請徐階章  
袞爲諸士師一時士爭矜勵累南兵部尚書潢貌不  
踰中人居常返遂不出口至其守道守官萬夫莫抗  
矢謨慷慨必盡所懷

羅英陸銓

銓字選之御史解之子而都御史鈞弟也舉嘉靖二



年進士第二人除刑部主事爭議大禮被廷杖改兵部出典福建鄉試得雋為多轉禮部

世宗方

銳意制作議四郊九嬪親蠶親籍諸禮內降旁午宗伯大臣盡倚辦銓會輔臣以圖上祭器不先關白出為本省添註副使益自策勵嘗攝海迫嚴通夷禁好商射利無所得闡出累廣東右布政

沈教

教字敬敷慈谿人正德九年進士起家縣令擢御史

巡按雲南有底安土酋安銓功歷本省臬副終副都

陳良謨朱觀碩遂

遂字德伸餘姚人正德十二年進士授刑部主事諫

南巡被杖嘉靖初歷本司曹郎出知惠州遷廣西副

使丁艱起本省副使分巡建寧值交代不常案牘山

積遂至旬日裁決殆盡御史李元陽稱其有經濟才

檄兼海防事時議造戰艦禦賊遂謂海濱居民處舟

若家寄跡於商乘間為盜莫若籍駕舟者姓名即以

巡捕事付之可省費數萬陞廣西右叅政終南刑部

侍郎

劉應授

應授字以中泰和人嘉靖五年進士歷刑工曹郎晉  
副閩臬閩臬長頻缺應授代受事飭律令一約束警  
奸墨嚴局鑄增防範倍廢墜接屬以禮馭吏以則與  
民以信出無認程入無沈案御史特劾以薦諸朝  
方升

升字世猷婺源人嘉靖二年進士宰永嘉有缺漢名  
累官本省副使以直忤當路致仕自題其室曰一官  
如洗人應笑四壁皆空盜不窺

屠應坤余鏡

鏡遂安人正德進士先為浦城知縣推尚循良與學

教士調閩縣人稱其寬裕才辨歷布政使  
沈一定沈思賢馬津

津字宗孔徐州人進士從王守仁講良知之學為御  
史抗疏直言歷提學副使端已帥物秉經貞教較闕  
文藝不爽錙銖閩士服焉

田汝成

汝成字叔禾錢塘人嘉靖五年進士以督學使者來  
閩穎敏博學流覽百家覃心著作為文沈涵濃郁有  
齊梁風尤善記述叙事理纒纒多雅致  
傳鳳翔劉伯璿伯璿南昌人嘉靖八年進士歷本省

之甥嵩敗為給事中周汝貞姚翊鳳翊鳳上虞人嘉  
趙灼所劾革職聞住周汝貞姚翊鳳翊鳳上虞人嘉  
使巡視浙福都御史朱紉嚴海禁後副使柯喬殺蒲  
刺加勇之在漳互市者謬云佛郎機夷行劫官軍追  
擊得其所級御史金城劾先喬任者實郭鳳故與  
鳳及桐夏俊何贊熊汲至京師夏俊何贊熊汲

汲字引之南昌人嘉靖五年進士三歷二千石始陟  
本省與其兄洛先後受事於閩並有惠政而閩人並  
祠之汲終廣東參政家無餘貲

黃福

福字子謙休寧人嘉靖八年進士為武選郎裁罷正  
德中黃緣得錦衣者拒司禮涓請遷福建參議副

使掌司事不入一錢以部註謬論判饒州身陞至湖

廣參議

汪大受張謙熊楫周琬柯喬喬青陽人嘉靖八年進士繼姚翔鳳後為海道

副使佐都御史朱紉嚴海禁殺漳州互市夷巡按御  
史金城論喬功下兵部覆實御史陳九德劾紉專殺  
冒功及并喬與都指揮盧鏗命秦鰲見右汪俸朱銜  
科道官徃勘喬鏗並下獄論死

銜字士南萬安人嘉靖十一年進士初授尤溪知縣

介然自守風采峻拔好惡興革悉當民心以最調務  
源後為提學副使誘進諸生甚篤有杖策求進取者  
進而試之可則錄上無賢不肖盡厭其意閩士稍異  
者皆得自見向用不絕終工部尚書有治河功

馮璋萬虞愷卜大同  
大同字吉夫秀水人嘉靖十七年進士授刑部主事  
歷湖廣叅議有平苗功再遷福建巡海副使輯倭倭  
圖說畫戰守計終任無倭患  
劉大諾夏俊盧夢陽姚一元杜拯楊金陶大年  
大年字長鄉會稽人嘉靖二十年進士以南兵部郎  
出守吉安轉山東海道副使倭寇躡閩閩督臣請增  
設憲使一員專海事疏下吏部部請移大年閩中時  
軍府草創賊船出沒大年守福寧寇逼壘相拒累月  
去攻連江後發兵援擊多有斬捕

蔣懷德邵梗

梗字良用仁和人嘉靖十七年進士任福建巡海道  
駐漳州時海禁廢弛奸民闖出人賈禍召寇處置失  
宜或激而愈亂梗下令曰凡賊臨陣捕虜與奸民爲  
賊間及違禁出物蕪有狀者殺無赦羅織相告言者  
勿詰於是反側帖然益濬隍增陴選卒厲兵徙四郊  
積蓄入城中使賊無所掠已未倭寇合兵萬人犯長  
泰選火藥手百人躡擊之賊宵遁又遣舟師攻海寇  
于月港銅山清浦諸處凡七克捕斬六百餘寇自月  
港掠舟入海將遯遣義士沈講率所部兵與官兵犄

角邀賊舟于東磴以巨艦衝沉之擒斬二百餘溺死者無筭寇盜悉平梗當師旅倥偬之時持以恬靜緩刑薄征節力省費大功竟集民不知擾

劉天授方祥宗臣

臣字子相興化人嘉靖二十九年進士授刑部主事太宰李默見臣文奇之調爲其屬得考功故事吏部自稱貴絕不復通他曹郎而臣與其舊曹李攀龍徐中行梁有譽及王世貞游從無間益相劇爲古文遷稽勳員外郎以忤嚴相出爲福建參議至官有倭難當字西明鄉民強負求入者幾萬人臣開門入之入

甫畢賊奄至象驚懸臣今善火具者百人置要害間手白金人爲勞且約曰候吾鼓而發賊輕城無人凌睥睨上魚貫其後臣度賊已集鼓之火具累百齊發中賊賊遁去督府檄臣護狼兵歸兵出省欲縱臣令語之曰吾日一酒食犒若不歸伍宿吾不止寢也犯法不貸矣狼兵竟度嶺無譯者遷本省提學副使按部較士之日自取試題爲程義旣進退士徐出示之則士皆睽睽諸公以臣名重交造請文事填委臣又以其間劇意騷雅嘔吟入丙夜遂寢瘵日亟疾革衣冠坐廳事手書三詩於帙飄飄然有御風凌虛意已擲

筆逝訃聞兩使者諸司道大夫下及士民莫不悲悼之

張情

張情昆山人嘉靖二十六年進士歷官本省備兵副使致仕生平有志聖學廉退自持仕宦二十年無寸襁之積聚後起温台守道則指館茨旬矣孫振德以貢令興文天啓中奢酋掩至督鄉民三戰援絕闔門二十七人自焚死

余應舉金立敬

立敬字中夫嘉靖二十九年進士與其父貢亨先後

為閩督學使者以請學風士闢書院遴秀士課董其中又疏羅李從祀於朝雖未俞請而人謂能繼父之志官至少司寇

楊豫孫

豫孫字幼殷華亭人嘉靖王十五年進士以禮部郎陞本省監軍道副使改湖廣提學終僉都御史練達政務諳識人情所至以坐鎮雅俗稱

汪道昆

見巡撫姜寶

寶字廷善丹陽人嘉靖三十二年進士起家中秘沉毅梗直雅為士論所歸而時相弗善也出督閩學每

諸士上謁或退食賜坐則疊疊諭之勗以坐考亭之鄉宜師考亭初至考校嚴甚及一經物色使如親弟子召之款業講舍資給甚厚時與環衆講德談文或值炎蒸聽者汗雨寶益雍容間定灑灑不休更闢崇正書院請泉州蔡元偉建州楊應詔爲士師砥仕以正學仕至南禮部尚書卒贈太子少保

周賢宣

見右布政使

劉以節劉灼金淵

制字汝東東陽人嘉靖二十三年進士歷閩藩臬嚴毅英斷善談兵精吏事守巡漳南時撫臺徵備倭餉於人郡制不應曰章適大帽山寇亦足慮不獨倭也

不則疏聞耳撫臺無以詰然鄉紳陳謹被軍變之毒則制措置失宜不能無議云

羅一道蔡國珍

國珍字汝聘奉新人嘉靖三十五年進士督學閩中申飭文體變舊時浩冗以應功令至所收錄不私一人經其品藻後多奮出時時舉部內先正諸君子祠之學宮錄孝子貞婦以聞於朝官終吏部尚書

張鳳來

鳳來字瑞虞秀水人嘉靖三十五年進士以巡海道駐漳南時瘡痍甫平加意休息緩刑止訟儉簡自持

臨遷去署內帷帳器用悉籍縣還之下至七箸細物  
位置如新

右嘉靖中任

易道談

道談字進明巴陵人嘉靖三十二年進士先自戶部  
郎出爲興化郡守興化城被賊破陷道談出守蓋主  
爵選才旣至下令招徠安集其有以翼寇圍奪相告  
言者一切置弗問兵燹郡城治署皆廢道談撤廢剝  
巨棟或市民間故宅繕治之更創築羅城民漸有樂  
生之心尋以平海寇捷受寶纜賜諭年寇再至詳請

洵洵道談日增金鼓旗幟夜張黶燧以待之寇知有  
備去而攻仙遊道談令射書城中諭吏民自固大兵  
且踵至於是仙遊守益堅而寇亦徐爲大兵所敗道  
談弔死問疾救民之困築堤濬水蘭陂變磽确爲膏  
腴又夫保館夫二繇役散法也而墨吏錢神不及倚  
頓橫施酒漿傾產不給者間自我道談條狀白按史  
得裁罷且署牘尾曰後復以故事請者當爲天譴而  
郡人交口稱便矣三年擢本省憲副嘗以監軍行縣  
至父老擁笮者數百人遮道交語曰吾故使君也吾  
屬苦遊兵投宿輟金今無患矣亡何下艱歸父老痛



哭奔送之

宋儀望柴深唐九德

九德字伯懋湘潭人嘉靖三十五年進士為戶部郎  
有聲會郡盜起閩廣間而吳平為之首勢最劇朝議  
擢九德為漳守至官庶諸附賊者悉擒捕之因密請  
中丞汪道見出兵勦賊中丞疑問狀則又言賊陽抑  
就撫名而陰聚黨不大創則民皆利從賊禍不獨漳  
中丞意始決命戚將軍繼光提兵來時賊據南灣聚  
根堅壁九德度海上便宜諸要害先為備嗣戚將軍  
兵至調遣如策旬日賊縛其梟黨陳晉卿獻于帥諸

軍夜從間道夾進大破之吳平潛逃山賊蘇阿普據  
巢旁掠因請乘勝長驅山寨悉平事間賜金幣月港  
故稱盜藪議初邑海澄遂為望縣擢本省監軍副使  
歷廣東按察使卒于家子斯盛萬曆丙戌進士  
周弘祖宋豫鄉

右隆慶中任

徐中行見按察使陶幼學宋儀望胡定

定字明伸一字正叔崇陽人嘉靖三十五年進士歷  
閩學憲嚶嚶嗜古用以興士去士鏟廓庸陋翕然一  
變皆為雄深雅健之文章官至布政使

陸相儒

相儒字大行嘉興秀水人嘉靖二十八年進士知延平府值兵燹之餘瘡痍未起首省坊里供輸懲庫後病民破產條改銀募全閩以為繫令又清郵傳立鄉約勸義倉勸士為文郡中大治北山賴中潭為亂時議勦之相儒力持撫已中潭面縛餘黨解散尋擢本省監軍副使蒸攝驛傳綜核靡密多所減省于時閩海上尚未弭相儒督餉擇將領飭邊防而粵盜林鳳不敢闕港萬曆乙亥夏島夷將入犯遣材官逆于海有新獲尋卒相儒慎刑恤下不妄笞一人自處苦潔

疾亟時手蓮花一枝頌其妻吳曰我平生無瘡人者

清修幾是乎櫬歸經延士民巷哭野祭立祠劍溪東

張庸沈淮喬懋敬歐希穆姚體信吳孔性聶廷璧徐

汝翼王希元張偲見右布政使吳肇東盧敷譚啓

啓字繼之大寧人嘉靖四十一年進士知晉江縣節用愛民聽訟公平定催徵為十限使民得寬其力郡人洪司寇朝選曾督四川學啓試劣等及至修弟子禮甚恭後朝選為巡撫勞堪誣害執送按察獄啓時正為副使歎曰吾師被構吾不能救而尚仕哉即解組歸

徐秋鶚錢拱宸鄒迪光王世懋見左徐用檢

用檢字魯源蘭溪人嘉靖四十一年進士歷本省副

使無所徵怨於民以賢能稱

鄒輝碩大典沈應得李盛春

盛春字淑元蘄州人隆慶五年進士視閩學按所部

至必多具月餼以詳校閱殿最進退人士意得即被

殿黜者無不自憾仕終兵部侍郎

徐汝陽劉孟雷柴祥李得陽耿定力

定力麻城人萬曆二年進士視閩學校文不執一指

嘗曰文之不同有如其面吾面畢次人盡畢吾面雖欲人盡灑可乎夫不離耳目口鼻而乎神在氣骨間

此吾所以相士也故所賞識多掇科仕終南兵部侍郎

楊德政汪應蛟

萬曆二年進士婺源人講聖賢之學究明中道之蘊

與見諸躬行行官終戶部尚書

張斗郭子直鄭邦福

邦福字鴻疇一字羽夫上饒人隆慶五年進士有詩

名由刑部郎歷本省屯鹽副使廉能持重為同官所

推譽終太僕少卿

黃正色鄭一麟彭而蚡徐即登見左楊際會徐師張

盛春年注道亨張鼎思馬邦良方應選

應選字象甫華亭人萬曆十一年進士高第自曹郎

典福建試得人甚盛旋晉副使視閩學驅歷較閱不

廢日月試日則自呼諸生各不以委吏曰吏也而可

名士子也以勞瘁卒

金節高從禮見按俞士章見右沈傲灼包應登

李元實

元實字士員監利人萬曆十四年進士歷本省臬副

冰壺之擦剝割之才人鮮其儷去而縉紳民有尸祝

陳良材

良材字養之高安人萬曆十七年進士以副使轄福

寧下車輒建籌海之策移鎮海防增設船寨百姓安

堵

饒景暉朱汝器程達吳思學熊宇奇沈茂榮程朝京

方學龍董其昌其雨

其雨字子開永新人與鄒元標同舉進士元標建言

被杖謫兩左右百方坐忤權貴人自翰林出為御史

復不容出憲閩致仕歸久之起浙僉憲復以忤權謫

又久之再副閩臬雨胸懷灑然聞人毀譽若飄風過

耳備歷世情一無所變晚志玄脩謝絕諸好照風塵  
馮燧張廷相閔夢得李思誠韓仲雍詹士龍  
右萬曆中任

閩書卷之四十九

文蒞志

皇朝

僉事

周儀陳善道謝肅

肅曾稽人學問該博以明經舉授福建僉事與陶垕

仲協扶風紀聞望烜赫人稱仰之

陸惟彰丁琳張敏俞居善方顯陳汝器

汝器字用之容縣人以人材授梧州訓導知州王清

薦其賢能擢福建僉事

張翥周梅

梅孝感人以卓行薦任僉事永樂之操始終如一

顧憲

憲杭州人洪武初為臨安丞清介勤慎撫下多從寬

恤擢本省僉事

陳灝

灝歸善人本名曾生以鄉薦至京因奏對

廟奇之賜今名授工科給事中歷福建按察僉事坐

累謫戍興州永樂初以赦復官用廷臣薦召為御史

終在春坊中允葉茂醇潔夷僉不二

右洪武中任

趙次進

次進臨海人自學官陞無錫縣丞以捕寇功陞知縣

擢本省僉事終太僕卿素有士行所至寬厚惠民

武信高勉袁方秦俊沈全黃樹姚宣龔巖陳墻胡恪

蔡完楊傑

傑字子英通敏卓異蒞官九載風紀整肅法令

明信

夏儒張翼沈鑑

鑑嘉興人洪武中繇僉事左遷閩縣典史勤敬慎恤

興學愛民永樂中復陞福建僉事持守如一日

孫完馮本清

本清餘姚人洪武中鄉貢長御史永樂初出按蘇松諸郡擊斷豪猾遷福建僉事分巡漳泉訟牒填委決遣驟盡漳例納番錢歲計百萬民以地無所出有鬻子女破家產償官者本清特為減免興化民盜蘇木事連坐應死者三百人本清止戮首犯餘釋不閩建寧大水溺死者爭附槎木菽川而下本清率屬集公私三百餘艘為浮梁廣濟之改任江西卒官

丁寧

僉事

嚴梅徐則寧陳鑑劉選陶瑋

瑋字德溫星子人繇監生授吏科給事中陞本省僉事端方整肅廉謹自持按巡郡邑去貪暴旌善良興學勸農敦厲風俗

呂升

升字升章山陰人洪武中鄉貢興教深陽以薦擢江西僉事永樂初改山西風采踔著後復改本省僉事按部至建寧輿害稼仰天祝之雷雨驟作螟盡死宣德初遷大理少卿升篤學勵操僕從之類亦訓以論

語孝經兩與會試所薦拔多知名士

劉呂錢遂志周常徐學徐隆

右永樂中任

王生曾獲

穆字希文天台人永樂四年進士授監察御史洪熙  
改元陞福建僉事瘞露骸毀淫祠漳民許某家富無  
子後其姪既而妻生子迺以子託姪更與姪貲三之  
一許以姪言叔實無子子非叔出者逐之而奄有其  
皆穆至漳妾携狐馬前言狀穆取孤別寘之召父老

迺多集市兒雜孤子中令諸父老別之皆指曰此甚  
類矣遂罪其姪而悉歸其貲晉江縣有隄閘四所以  
蓄洩水溉田數千頃民賴之甚衆為豪勢所專穆執  
豪罪之械以徇民大悅穆寡嗜慾薄滋味儉約如寒  
士至其理冤滯繩貪墨摧豪右無所顧避閩人目之  
曰曾鐵面楊文敏家人有紀穆執而懲之然反為文  
敏所知薦為僉都御史其卒也為志其墓人稱文敏  
厚德焉

薛景安揚勳周英沱敬

右宣德中任



廖謨

謨字文績泰和人永樂十三年進士官至河間知府所至多惠政為福建僉事以明刑著稱

王璣高超張崇張居彥

居彥上虞人繇舉人歷按察僉事和平恭慎清白有

聞

李實李在修况真董應軫王迪陳祚

見巡按

馬嵩王驥

陳烈蔡雲翰

雲翰初名蒲大庾人宣德五年進士授工部主事以

註誤謫判樂平簡靜平恕後陞福建僉事持憲得體

文學著稱

呂昌

昌字好隆新昌人正統七年進士授御史屢言時政得失監收京倉糧剔剋蠹耗遷福建僉事事有切軍民者銳志勇為大盜嘯聚山谷間率兵深入反覆開諭皆感服散去遷江西副使陝西按察使貴戚勢豪一繩以法卒官同官將賄其子議忽夢昌呼曰若父為史三十年未嘗私入一錢今迺欲以遺骨為利耶議遂泣辭不受

張彥楊珏李顯

見左參政

右正統中任

曾蒙簡

蒙簡名廉以字行鶴齡子正統十年進士歷任御史福建僉事浙江按察使剖決如流政聲赫然以家學擅名詩文書法士林所重

孫振望

振望初名儼以字行豐城人正統七年進士任刑部主事陞本省僉事毀淫祠與寺觀之私創者權貴莫能撓其法左遷臨海知縣

右景泰中任

徐彬字倬沈訥

倬訥俱見副使

曹景包瑛陳全康麟

見巡按

明見副使

蕭鑾

鑾字景和潮陽人宣德二年進士以御史擢廣西提學僉事躬率諸生先行後藝歷湖廣福建僉事擢山西副使三疏乞歸士民泣送遮道抵家囊無長物

齊昭黃隆

隆字自立鄞人景泰五年進士授南州部王事有僉夜鷦菴之囊金者且持白尚書楊寧發之以是見重陞廣東僉事改本省悉心經畫多所興建陞四川按

察副使下艱終隱便象標高以詩文自娛  
劉子肅

子肅字敬之南昌人景泰二年進士除刑部主事精  
悍嚴重不附權勢陞福建按察司僉事卒

未殺馬榮宗

榮宗平樂人景泰元年舉人授寶慶通判廉幹有聲  
擢福建僉事

右天順中任

顧一作廉弘敬周謨李英楊德鍾城

戒當塗人景泰五年進士歷官大理寺正明允著聲  
門舍蕭然擢福建僉事江西副使兩督學政士經品  
題多為令器晚歸鄉里執經門下者踵相接卒年八  
十餘

余諒章懋

懋字德懋蘭谿人成化二年舉禮部第一登進士八  
翰林為庶吉士授編修會元夕舉張燈故事命下製  
詞懋與同官莊昶黃仲昭上疏論諫俱謫外

憲宗悟命懋昶與仲昭仍改京職懋改南大理評事  
遷福建按僉懋學古人之學體仁藏用與道張弛沙  
尤泰寧閩漳山海寇俘魁離黨具有計畫而古道難

諧不得盡所志行部積勞觸瘴成疾考績赴部遂乞  
謝事時僅四十有一弘治中特起爲南子祭酒正德  
初三疏歸陞禮部右侍郎致仕嘉靖初進尚書卒謚  
文懿學者稱楓山先生

陳輕

輕青陽人繇雲南曲靖衛發解登天順八年進士任  
刑部主事陞福建按察僉事廷憲清明討賊道卒櫬  
歸圖書數卷而已

高崧

見按察使

林克賢

克賢名壘以字行浙太平人意氣廣博好讀書最喜  
治亂興衰思盡友一世豪傑隨事立功名以成化二  
年進士自刑部郎中出爲僉事力振風紀抑強扶弱  
御史尹仁行事不經卽面質規諍下憂暇闕再任巡  
輯海賊按治不法武夫竟以仇直坐十年不調

周孟中

孟中字時可廬陵人成化五年進士歷本省僉事提  
督學校教人首性理次風節最後反詞章訂文公冠  
婚喪祭四禮令諸生家先行之以爲齊民倡歷廣東  
左布政使入覲舉旌異第一以疾乞歸進副都御史  
致仕

任英談俊戴佑任彥常張鑾

鑾吉水人天順八年進士授南京監察御史陞本省  
僉事廉介有為轉四川副使

楊峻

峻字惟高進賢人成化二年進士授知丹徒縣擢監  
察御史改福建兵備僉事嚴毅剛介憲度修明汀杭  
嘯呼民恃無恐歷南光祿卿

李紀楊廷貴王嘯李萼胡富

富字永平績溪人進士歷福建僉事分巡

至福寧州閱獄囚二百餘人有五六年不釋者身至  
獄中訊決不數載囹圄為空改山東陞廣東副使擒  
徭賊平黎寇歷大理卿逆瑾招權因事擯之致仕瑾  
誅復拜尚書富歷官中外幾四十年正氣苦節始終  
一致卒贈太子少保謚康惠

伍希閔

希閔字仲安安福人父驥按閩中以平賊祠於上杭  
語具巡按希閔成化十一年進士歷本省備兵僉事  
再平上杭漳寇民德之配饗父祠

右成化申任

楊澤見副使蕭顯

顯字文明龍泉人成化八年進士擢兵科給事中批  
駁武臣中官之怙勢求功賞者涿州有誣矯邪神白  
東方來京城男女爭負土為築祠宇顯抗劾剴切  
上召至左順門令中官諭遣之後數日則巫已  
逐矣然權幸人嫉之不實遷鎮寧州同知稍遷衢州  
悉焚非法刑具擢福建按察僉事承勅領屯田勸督  
交至民相率輸納歲無留逋以入賀

疏徑歸

賈錠見副使

張佐王寅

寅字敬夫容城人成化十七年進士授大理寺副出  
為按察僉事運籌策剿海洋羣寇申嚴號令鯨鯢肅  
清仕終刑部侍郎

周鵬富駘陳壯

壯字直夫山陰人天順八年進士授監察御史歷江  
西僉事致仕家居十餘年薦起為福建僉事督理屯  
田最有成績又乞致仕倪文毅為冢宰特擢副使河  
南竟抗疏去壯鯁介寡合遇節義廉潔士傾心嚮慕  
稍不合輒蹙頰起

劉愷彭誠夏易張壘重豫范淇杜啓院賓王肅汪獲  
麟陶懌

懌字習之會稽人弘治三年進士授刑部主事戚里  
殺人同官欲釋之懌持曰法者公器可為勢利也有  
獄卒年十九犯法以積奸論戍懌爭曰豈有年十九  
名為積奸者田為福建僉事遷廣東參議所至多惠  
愛

右弘治中任

潘珏

珏字玉汝婺源人父嘗為珏兄弟異財父沒珏復合  
之舉成化二十年進士宰薊水以不奉上官久不調  
作歲寒亭記見志轉金華同知陞福建僉事一日見

陳大紀茹鑿張輝

輝石埭人弘治三年進士歷本省僉事時逆瑾顯擢  
以不禮緝事校尉革任嘉靖初御史王完奏正德申  
守正被害諸臣存沒宜均卹與時輝已老矣加從四  
品服

宗璽

璽在平人弘治十二年進士歷本省僉事時與參政  
孫燧經理縣治百姓鼓從

段敏

敏字惟勤金壇人弘治三年進士任福建僉事署建寧道有學有守吏畏民懷屬縣千廳事曰眼前皆赤子頭上是青天

羅善鄰賢

賢字恢才安福人以春秋經術著嘗受學劉忠愍孫績遂代主師席履滿<sup>滿</sup>戶外莆田黃仲昭視學注右雅知賢一日與諸弟子講學顧賢曰孔子與顏子語終日而論語止載一章惜也賢對曰問仁天德也間爲

邦王道也內聖外王聖人之蘊盡見矣仲昭瞿然稱

善弘治九年舉進士奉命修大臣禮于閩授南大理評事十艱起授本省僉事專理汀漳兵務城里甲供應之費重官軍擾民之法舊有土巡簡蒙官以捕盜有功爲上官所任後或倚衆害民甚則覘官府之謀私干賊官府欲更寘之慮其煽變輒已賢令屬邑各立千古長選杜有力者爲千夫長咸聽令于官有事則更召率其屬分隸追捕于是其權始分奸不得逞武平縣北連安遠西接程鄉其間大帽山最險阻爲賊巢穴標掠不時賢撫以恩信招脅從者三百餘人又率知縣陳思誠擒斬僧秉塔黃友勝賴德華等三



百餘人其後協同憲副姚鎮少叅鄭毅擒獲鍾惟興等一百一十餘人以病乞致仕厥後李御史如圭上其功有曰金彩幣之賜子守益理學名臣孫善總閩藩有聲

謝湖胡鐸

見副使

蔡天佑

天佑睢州人弘治十八年進士改庶吉士授吏科給事中陞本省僉事歷山西按察使時大同伍堡兵變陞都察院右僉都御史巡撫其地天佑宣布恩威剿除元惡地方以寧陞兵部左侍郎歷仕中外素有頌

聲

查約

見布政

胡璉

璉字重器沐陽人弘治十八年進士以南刑部郎中出爲閩廣二藩兵憲職勦賊以不殺爲功島寇佛郎機牙肆海上璉選鋒倅入奪其火器俘之其器猛烈蓋夷所常恃者得之遂爲中國利因號佛郎機遷藩臬長晉中丞巡撫遍歷兩京戶部右侍郎致仕遇征安南薦起督餉卒

殷鏊趙官潛鑑

鑑字希古婺源人正德三年進士授南大理寺評事陞福建僉事討大哪噠蘇兼有功賜鎗帛南安盜起

攻仙遊城時鑑在泉州卷甲趨赴一時斬獲殆盡福州衛卒跳梁捕其魁寘之法仕終兵部尚書賜諡襄毅鑑性夷易而耿介壁削不可干以私

蕭乾元

乾元字必充萬安人弘治十二年進士錄監察御史陞僉事作鎮建寧廉教恪恭摘奸貞度秩滿軍民遮留遷雲南副使

葉廷會周期雍

期雍字汝和寧州人正德三年進士選授御史疏薦

李夢陽朱廷聲等二十三人指摘大學士焦芳劉宇申雪尚書劉大夏韓文林瀚許進都御史張敷華諸

大臣復劾兵部尚書王敬悉報可丁艱歸起復因

武廟南巡期雍首言宗子遠遊家相難辭其責以規諷執政坐補南京河南道未抵臺遷福建僉事飭兵汀漳其時閩中漳寇尚未解構期雍以盜迫饑寒滋於激變迺設奇間離其黨至則整衆厚陣親詣其處以攝之察勢可諭服先一日退師一舍單騎詣壘諭以禍福酋長以下皆感泣就撫於是數年梗孽以平因奏立巡司盤詰谿洞晏然念往歲苦軍餉不繼穀價騰湧世帑贖發有司倣古平糴法貯米武平

諸倉俗尚浮屠建立社學訓子弟導以四禮宸濠火蓄異志王文成密與期雍計期雍謂水戰兵間所備海上可用也遂沿海蒐閱得驍勇數千整練俟報比已卯變作即日董師兼程而進至豐城濠已就擒文成留期雍視南昌篆者三月後歷刑部尚書

秦禮吳昂見右布政

右正德中任

范輅見左布政陶麟王俊民見副使聶拱鄭佐見副使周文熙

伍希周曾鵬見副使儲洵

向字年南泰州人權之猶子也正德六年進士官兵部郎左遷守汴陽遷台州同知陞福建按察僉事巡

漳南漳舊多盜洵設條約督捕撲滅殆盡以守正不能附時遂致仕編輯革除錄摺采清難諸臣題其首曰江河伏流及卒門人私謚為貞文子

沈弘道

弘道字伯元會稽人正德十二年進士授刑部主事以諫南巡被譴嘉靖初首陳治道八事會丁艱去服闋進員外郎繼遷福建僉事卒于官弘道好學耽述作其清操不媿屋漏

屈儒謝汝儀見副使姜儀見左布政張儉司馬相

相會稽人正德十六年進士初授刑部主事有戚里  
犯法執問不少貸稍遷福建僉事以大獄被譴歸子  
初祉並舉進士

劉案梁世驃胡松

見右  
參議

楊麒諸僉

僉字楊伯秀水人正德十二年進士以刑部郎擢本  
省僉事總理屯政覈故剔姦明疆理綜子粒周慎詳  
密屯政以舉歷貴州按察使爲人坦夷不設城府至  
非禮相干則腕然見辭色其辭受取與尤嚴歷官二  
十五年蕭然歸橐

陳迨

迨字良會常熟人正德十二年進士授惠安知縣剛  
嚴裁猾精明剔蠹縣官支費舊責里甲供應無藝迨  
止今日辦錢十文若日費有餘則積以備他日盡廼  
再科至有累日不科一錢者以才調福清凡賦役無  
敢匿戶健訟之習爲之肅然行取監察御史言事落  
職稍遷至福建僉事分巡福寧惠邑大饑迨發粟二  
百石賑之復禁鄰邑閉糴惠賴以活

王庭

庭吳人自刑部郎遷廉毅有守逐盜按摘其首惡令  
自取以獻而赦其餘其在幽僻素患苦縣道者聲威

被之皆出就吏境內以安尋以江西叅議謝歸槁楷  
鄉人有仲弓之風

錢世英

賢一作

孫翥江以達

以達字子順貴溪人嘉靖五年進士居六年以刑曹  
郎典試閩中後歷本省僉憲督學以達文章氣節望  
重一時泚毫擲管非先秦兩漢不道也初典試時所  
錄皆知名士及督學再至閩士之文一變而古陞湖  
廣副使仍督學政

世宗辛承天楚藩欲出城

朝謁以達繩之

祖制為所奏被逮放歸始潘潢

注佃

督學以寬達振之以嚴士並思仰

佃字有之弋陽人父鳳漳州中見文蒞佃與兄俊偉  
並有時文俊偉皆至大官佃正德丁丑進士以翰林  
侍讀謫判寧國稍遷至僉憲明敏誠恕簡以禦煩廉  
於當官而怡於仕進致仕歸

曾世昌應廷育劉仕賢陳洙侯廷訓郝維嶽

維嶽四川叙南衛人嘉靖八年進士以御史出任駐  
節建州當官廉敏抑豪右屏更奸礦徒竊發荼毒屬  
縣會歲除維嶽度其必回巢穴躬率士旅出不意擒  
之渠魁悉得終雲南巡撫都御史

鄭有周胡賓利賓鄭烟戴鯨徐緯一作韓柱張合

合字懋觀永昌衛人侍郎志淳之子十歲能屬文賦

詩嘉靖初年十六舉鄉試第一往侍郎鄉舉亦首舉

滇中以為盛事合後舉十一年進士授戶部主事改

兵部吏部資望隆重稍遷郎至卿次顧當道多忌者

竟外補福建僉事歷湖廣副使罷歸合博極載籍究

古豪傑之業位不配望士論惜之

翁學淵余曠

曠字德明樂平人嘉靖十四年進士授行人擢兵科

給事中歷禮吏二科連章劾銓選部臣及邊方巡撫

更薦宿望名臣可計安邊境者尋謫浙江布政司都

事上何權閩建陽尹治功卓異累遷按察司僉事為

人于神俊爽氣節瑰奇會安溪白葉坂劇盜嘯聚劫

戮滋蔓曠調度官民兵進逼諸險出奇拏擊賊魁陳

日輝就擒空其巢洞閩人為勒平寇碑頌之官至憲

副丁艱卒家所學務得大意祀名宦建陽

項喬

喬字遷之永嘉人嘉靖人年進士授南工部主事調

兵部武選轉湖廣副使以前武部註誤謫福寧州同

知至官公宴進賞優人錢知為里役辦需即席抗言

曰官宴唱戲已不宜况復索民膏以賞乎遂罷宴徙  
松江同知轉福建僉事經畫屯政攝巡漳南省上杭  
饋給歲千金使查盤者至橫誣其邑長喬直馬嘗五  
平巨獄不以徇監臨可否殲白葉諸洞宿寇籍其地  
事聞賜金綺陞廣東參議終左參政喬摩志聖賢之  
學嘗曰豪傑不在温飽其臨政治民至於燕獨未嘗  
釋卷

楊大章桂榮鄭炯張恕顧翀

見右

汪垵

垵字仲弘休寧人以僉事分部福寧時倭寇起議徵

海上兵為備自謂夷舟順風而來所至皆戰地徒備  
福寧止益也不若移戍沿海要害寇迫同安垵聞獄  
囚陳嘉任等七人黠勇可將召諭討賊贖罪咸感泣  
思奮明日用為先鋒遂獲全勝城因得免

熊維

見左  
黎澄

澄字本靜樂平人甘貧嗜學博涉羣書登嘉靖二十  
六年進士選翰林庶吉士與修

武廟實錄改

禮科給事中擢福建僉事肅風紀飭吏治以內艱服  
闋補廣東兵備有剿平徭賊功

梁佐徐光啓袁洪愈

洪愈字抑之長洲人嘉靖二十六年進士歷本省僉

憲分鎮建寧時綢繆陰用練兵選將而愛民造士尤  
所倦倦晴李肅愍家居與洪愈談兵甚悉亟稱其才  
畧在官有清操家居食貧貧詞翰自給後至大官

吳朝鳳

朝鳳樂清人章恭毅綸曾孫也復姓吳嘉靖甲辰進  
士表章龜山延平諸儒新李忠定祠庫有羨金籍之  
公不自入焉

王宗聖王時槐

時槐字子植安福人嘉靖二十六年進士以講學聞

於時靜澹無欲立不易方歷本省僉事後仕至大理

卿

盛唐舒春芳

春芳字景仁鄱陽人嘉靖二十三年進士歷本省僉  
事分巡建寧揭白鹿洞規於晦庵之堂拳拳義利之  
辨以古君子聲色貨利之戒爲戒且以勸勉人建有  
孝廉楊應詔志聖賢之學賓而禮之建奸民黠盜雄  
豪皆帖帖入把束倭亂海上建州告警春芳策馬登  
陴出輒載金帛自隨用以犒賞材勇激厲士氣鳩工  
聚鐵爲鳥銃懸金錢訓練之中卽與金民競習之無  
不技命中者及倭數萬攻城多歿於銃城得不破一



日單騎督兵與倭戰赤岸橋兵潰僅以身免陞湖廣  
參議

黃肫揚以誠彭

顏一作

嘉會金澍

見副使

萬民英

見右參議秦

宗道李儒烈曹司賢曾一經黎元黃可大何全金定  
徐梓俞咨益史嗣元袁大誠

右嘉靖申任

蘇愚趙時齊徐作

見右參議

張啓元王錫命顧養謙

養謙字益卿通州人嘉靖四十四年進士歷本省僉  
事有謀畧每抵掌論時事輒有鳴劍伊吾勒銘燕然

之想仕終兵部左侍郎

王圻梁士楚

士楚番禺人以舉人知詔安縣居官清勤才猷鍊達  
時值倭饒山海寇盜並起悉心經理調度兵馬糧餉  
船隻相機剿撫前後督調鄉兵擒斬倭賊千餘名撫  
散山賊鍾旺雷晚香等六千餘人又擒斬吳平海賊  
一千八百餘名撫散餘黨五千餘衆又以縣治窄狹  
請拓北關城一千二百餘丈西關城三百餘丈親自  
程築撫按交章論薦推陞僉事以憂去起復補任福  
建練兵僉事駐劄詔安漳民以爲保障  
喬懋敬凌瑄王喬桂孫裔興周守愚

右隆慶中任

漆彬毛為光尹較文作王廷簡趙參曾見巡撫李樂

樂字彥和烏程人隆慶二年進士以僉憲分部福寧

廉毅精敏纖悉手冒裁尤崇獎士類風教肅穆時總

兵臨州厲民樂隨事陰祐之民恃以安

彭應時鄭宗學張封

封字汝登餘姚人嘉靖進士以僉事分鎮建南英明

博大紀綱保障條布井井墨吏猾胥望風屏息

王乾章張正道趙參曾再任丁元復劉朝璽王豫武尚

耕徐金星宋存德須用賓張文耀李植金學曾李瑄

瑄字邦和豐城人萬曆五年進士以僉憲鎮福寧州

時兵務久弛徒空名糜餼瑄至試閱訓練授以火器

築羅源城濬久湮河隍引海潮至城下游僧雲集支

提寺移文驅之百務精明吏民懷服上書論時宰觸

忌落職

俞道生熊敦朴章邦翰朱熙洽李瑄再任陳汴余懋中

吳之鵬見參議莫睿

睿字思卿錢塘人萬曆元年浙省解元登二年進士

歷福建僉憲外若閭然而勇於任事以治行著

邵夢弼張喬松王建中王志鄧美政王在晉劉毅孫

光啓陳治本熊宇奇熊尚文張鳴鸚潘陽春楊廷槐  
管橋

橋字 南陵人萬曆二十三年進士授長泰知縣  
百凡張舉惠政在民召入為御史出為本省僉事  
戴王言石崑玉呂純如崔師訓

右萬曆中任

僚屬賢者附後

張禎遜字友讓會稽人性剛直嫉惡讀書嚴義利之  
辨嘗曰我私淑孟軻氏人稱為張孟子永樂中舉賢  
良方正授福建按察司照磨持已慎密而數與上官  
辨時政得失上官嫉之遂還初服一時名公競為詩  
文高之

福建都轉運鹽使司運使一員 同知一員 副

使一員 判官一員 萬曆八年裁革 經歷司經歷 知

事各一員 廣盈庫大使一員

副使各一員 竹崎批驗所大使 副使

閩安鎮批驗所大使 副使 鹽倉大使 副

使各一員 自鹽課而下副使 俱萬曆八年裁革 上里場大使 副

使 海日場大使 副使 牛田場大使 副

使 惠安場大使 浔溪場大使 浯洲場大

使 泗洲場大使各一員

都轉運鹽運使

劉德

右洪武中任

朱勤

勤字思勉仁和人胸次高朗洞無凝滯安成李時勉

嘗語人曰杭人若柴叔輿朱思勉不多得

右永樂中任

史潛

右正統中任

嚴貞

貞字宗正奉化人繇進士任刑部郎有聲用薦陞兩

淮運使調本司民苦細運議假招募之舟以代之

右景泰中任

劉璣

右天順中任

康驥

驥字德良泰和人景泰五年進士授監察御史天順

初抗章論石亨曹吉祥下獄拷掠既得釋巡按山東

北直隸所至風紀肅然後陞福建轉運使卒于家

周鳳揚益金迪

迪與朱穩先後以良吏稱

右成化中任

高輔

輔以舉人歷官知縣御史太平知府謫福建鹽運同

知尋轉運使出納平九人不敢干以私一時鹽商服

其公正

吳泰

泰以御史出為福建運使政尚威嚴吏胥斂手

蔡餘慶李紀

紀字朝振潞州人成化乙酉省試歷官長蘆運司同

知遷本省運使紀為長蘆時或勸之曰運司財藪終

無有全身各得美遷者公又貧不念子女耶弗聽益

自峻潔嘗道之京諸大商賈人供具十路遮馬留食

紀躍馬過之及擢本省未幾乞致仕日吾何以弗已

哉所著有默庵集

右弘治中任

王永張愷

愷字元之無錫人成化二十年進士授兵部王事歷

黎平知府落職家居用薦起知大原未任轉本省運

使為人狷介自植所至公廉執法其主饒政鈐來貴  
勢人不得為好狀然竟為忠者所中致仕歸諸賈人  
力致羨餘九百金峻邦之

黃衷

衷字子和南海人弱冠登

進士歷兩京郎

署在留都時與朱應登顧璘陳沂王韋輩以詩文擅  
名後知湖州府稍遷福建都轉運使鹽筴叢弊一切  
奏革仕至兵部右侍郎

黃閔古

右正德中任

陳大中歐陽恂

恂字忱之安福人弘治十五年進士任南銓部郎歷  
常德守擢本司運使覈故實稽興謀一循黃衷之法  
卽有興革多裕國使商時權璫肆橫恂抗直不少屈  
商人蒙其惠利竟以常德時忤觀風使者被論去

何文邦黃宗明

見左  
參政

李彥王祿俞文曦趙可與

可與字會中安福人正德八年舉人教諭蓬萊以經  
明行脩擢兵部主事歷三衢守治有異政尋轉本司  
運使抗直守高不媚貴人都御史邸之中以陰事事  
白當復任而遂懸車可與以文章政事知名有所引

拔皆碩望名士士論歸之

婁志德

見左布政

王鈞

鈞字子宣奉化人嘉靖十一年進士歷兩京郎署嚙  
糜茹荼一介靡染出知邵武府每晨起視事洞開重  
門竟日坐堂上庭宇寂然無一人敢左右現有訴娶  
婦而失其寶粧一奩者鈞曰此非外盜必同居而異  
心者首則可以贖罪明一人持奩陳庭稽顙乞罪果  
其同母異父弟也有行人以使事道郡橫有需索郡  
民苦之鈞取真西山心政經遺之行人慚去臺使者  
行部望鈞過禮而鈞約禮自將臺使者心銜之下車  
立索庫藏刑名諸案牘欲有所摘發終不得其隙及  
訶治狀稱曰若是其兢兢也上書薦之考滿當陟有  
嘆者竟轉爲福建都轉運使勾稽宿蠹條畫甚精福  
州缺守臺使者檄鈞夙著簡肅不嚴而治有異  
母兄弟爭產訟不息鈞諭之曰若等非皆若父所生  
耶若父之心忍使有一不足哉爭而一勝則一不足  
若父慊乎若子也而以賢傷父心若父寧復爲若輩  
血食訟者感泣讓爭而退肖像祀鈞歷官南工部書  
陶珪

珪黃岡人嘉靖五年進士爲桂林知府陞本司運使

性度寬大商人宜之官至廣西按察使

姜恩

見左布政

童蒙正顧霑吳江何思贊

恩贊字紹襄順德人初下車禁常例祛宿蠹商人供  
應悉卻不受衙齋泊如也質直耻脂韋政不近名而  
人亦弗知滿三載辭歸

右嘉靖中任

曹光彭宋李廷觀周浩

浩字毅夫錢塘人嘉靖十四年進士一塵不染卓有  
清名商有常例錢歲計可千餘緡輒進而輒却之曰  
爾無適課足矣

右隆慶中任

陳楠杜思王王錫李大吉陳夢庚鍾昌

昌字繼文東莞人視閩鹺政清修自將羨金贖鍰不  
假脂潤至於疏法祛蠹尤不為豪家所阻遷雲南叅  
政

周保

保字子翼鄞人隆慶五年進士授刑部主事嘗奉詔  
諭八閩以南雄府知府陞福建都轉運鹽使乞骸骨  
歸平生無他嗜好獨耽墳典嚙齶淵懿纂取自輔居  
官廉靖著名



周喬先廬大順徐震江大鯤

右萬曆中任

總同知

黃賢相

賢相藤縣人入太學任監察御史累言時政稱

上意累加褒賞陞福建鹽運同知

右永樂中任

胡傑

右正統中任

魏安

右天順中任

張睿徐福

福有學有守刺兗州府及福州都運鹽同知所至公

勤忠慎歷除弊政致仕貧約終身士論高之

郝志義

見副使

高輔胡溫張盛

盛字克謙宜興人天順四年進士授工部主事佐理

河道有功累陞山東叅政為人廉直負氣遇事少容

僚佐忌之左遷福建鹽運司同知時年已老矣或勸

其稍營歸計輒面斥之未幾謝病免

右成化中任

胡贊吳嵩金信劉琰

右弘治中任

錢承德黃節盛龍姚汀

汀慈谿人弘治十二年進士自南吏部郎出知袁州

才思明敏政聲丕著以忤權貴謫運司同知

王顯道嚴時泰

見按察使

右正德中任

葉鈇查仲道

見汀州知府

陸隆恩王翰臣尹家蔡紹科王

守儉鄭道姚汲蔣子岳林大有李人龍

人龍華亭人嘉靖十四年進士以御史出貳驍司條

通商之令嚴私販之防使者欲於常賦外益贏餘以

資經費人龍持不可權守廣東去

張準劉汝順林烈

烈字孔承東莞人嘉靖十三年舉人師事魏莊簡潛

心理學以戶部郎出為福建鹽運同知分山水口革

常例祛積蠹嚴闡出商至如歸鹽政大舉於是毀淫

祠興社學淑書院日與諸生講習又辭什伍恤孤貧

置義阡立鄉厲壇修養濟院民始患盜已復患虎悉

力驅除之偶夢歸章殺心異焉適

世宗遺詔

至逐卒百姓巷哭商罷市立祠水口尸視之子涪萬

曆甲謫本司知事

右嘉靖申任

鄧士元

見漳出知府

吳淞伍典李時漸

右隆慶中任

王澤張廷臣盧致傳性敏蕭敏道

敏道南昌人嘉靖四十四年進士令新昌歷尚書師

出守徽郡左遷貳驍司下車懲宿弊社常例裁冗費

汰牙行絕請托秤掣開賣諸務必躬公餘不廢吟咏

轉福郡守

李正春吳仲芳陳懋昭

懋昭字建中泰和人嘉靖甲子鄉貢歷同守遷驍司

貳卓榮廉靜時議開大田新港懋昭謂新港開則西

路塞課且滯竟報罷

屠本峻

本峻字田叔鄞人以任子為郎出貳驍司先是負海

之引大府以時給發率貴勢家請之轉而售之商人

每數錄易一紙商人病之會有東夷警金中丞屬本

峻開引佐軍興本峻亟下令商以次受引引輸三銀

不旬日而輸畢贏可萬金今為驍司率令政暇創祠

烏石山祠先賢詞人之有聲者立社水口關教弟子

之習詩禮者咸相俸入為之居三年擢守辰州  
顧應龍傳國才蔡宗憲趙文煒郭繼芳支如璋

右萬曆申任

副使

周時中

時中龍泉人元季從徐壽輝後來降為

所信重自中書斷事出知延平邵武二府撫輯流離

俾遂生養官至吏部尚書出知鎮江犯罪

祖赦之復轉鹽運副使坐罪當棄市復赦除名為民

右洪武中任

胡縉

右天順中任

田昭姜倫石旻蕭松徐燦

右成化中任

王珍

右弘治申任

陸冒林誠通

右正德中任

任廣徐璿蔡芳

芳字茂之平陽人少穎異十歲能詩弘治戊午舉于

鄉歷福建運副居官清苦閩囚反獄害查布政楊叅  
議等至芳則去之曰仁人也時張永嘉當國與芳同  
年米嘗有所通謁一日遇於漕河潛過之張迫道故  
甚懼微諷以美遷芳詠詩答曰一官到底終須去百  
歲無多可念吾遂致仕歸有較十三經註疏及著春  
秋訓義折衷諸傳喪禮酌宜大祀志等書

毛煥郭鼎

鼎崇德人繇監生就選人高等得臨安府推官遷鹽  
運副使有巨商緣舊引為奸私鼎至悉發之凡十餘  
輩當坐遣迺求貴人緩頰弗聽齎十金以所入則以  
移貽監司改牒而曲貸之鼎即日解官去臺為下檄  
強留迺已時先後御史徐宗寶高封皆能知鼎本司  
與提舉司閩縣三篆俱缺宗嘗悉以委鼎封後委署  
水口分司在事十八月國課踰先後封每舉以勵屬  
曰安得盡若郭運副者御史安枕矣鼎恒謂刑猶火  
也不戢則焚人利猶水也不遏則溺已竟以材見嫉  
罷歸

江以朝戴維師林冕龍興贊極良荀文奎曹梁

右嘉靖中任

郭瑀周召江埏

右隆慶中任

陳良珍陸穗余端瑞一作陳汝費懋謙包應科梁符秦

懋德陳九功易可訓張仕可朱益光李逢雷王亮熊

維膏張好仁王允升

右萬曆中任

判官

葉汝梅

右宣德中任

張昇蘇瑛

右正統中任

伍璣

璣字子玉容縣人景泰七年舉人判福建鹽運司尋

知靖州剛直持廉以不獲當道去民甚惜之

符芳曹琛陳明

右成化中任

麥秀鄭忠楊瑞

右弘治中任

章延年毛翹

右正德中任

戎來賓蔡文範

右萬曆中任

察屬賢者附後

林培字培之本司同知烈之子萬曆中為南御史多所建白慷慨激切後忤旨謫本司知事尋卒培剛毅孝友與諸弟同居共爨一錢尺布無所私人咸惜其未究干用

諸葛伯衝蘭谿人洪武初以秀才擢舉北平寶泉局天使改雜造局遷本司廣盈庫大使凡典錢幣十餘年守法奉職人稱其廉改雲南大理府肇州吏目操守益勵以大學士董倫薦召至京師擢陝西布政司右參議廣東參議尤以能官聞

市舶提舉司

提舉

副提舉

吏目各一員

俱萬曆八年裁革事統運同

樊或見副便

右洪武中任

倪鼎

右正德中任

副提舉

羅倫

倫字彝正吉永豐人成化二年進士及第第一授翰

林修撰居數月以論李文達賢奪情起復謫泉州市  
舶司提舉文達沒復召還修撰改南京尋辭疾歸倫  
自少力學非聖賢之說不講與人子言依孝與人臣  
言依忠與居官者言民所疾苦如其身見陳獻章稱  
其洞徹不欺之心炳中天之杲日轟勁出羣之氣發  
百蟄之春雷嘉靖中贈左春坊左諭德諡文毅

右成化中任

舒芬

芬字國裳進賢人爲諸生時蔡文莊爲江西學使閱  
其文奇以大魁正德二年進士及第第一授翰林修  
撰以諫南巡被杖謫福建市舶提舉嘉靖初復官復  
以諫大禮被杖以母喪歸尋卒諡文簡芬風神玉立  
負氣峻厲銳然聖賢之道兼知天文曉音律其出處  
與羅文毅相似

右正德中任

江汝璧字懋毅貴溪人嘉靖辛巳進士以左諭德出  
主應天鄉試道中上疏謂安南不宜征迨發策試士  
復以爲言又論勛臣配享歲祫宜與郊祀皆不宜從  
試錄進覽 世宗讀之震怒逮赴詔獄謫提舶副  
提舉後仕學士



右嘉靖中任

*[Faint bleed-through text from the reverse side of the page]*

閩書卷之五十

文蒞志

福州府

後漢

候官長

商升

升為候官長建安元年孫策渡浙江會稽太守于朗

奔東治升為朗起兵禦策

右建安中任

晉 晉安郡

太守

嚴高

高守晉安寬惠得人有改築州城之功

劉琨

琨字越石中山魏昌人為晉安守後以戰功顯

右太康中任

趙理鄭逸楊佖

右永安中任

卓宏

右永興中任

東晉

太守

郭粹賀喬楊羨謝樞陳熙師暢陳雲謝永顧賜薄蓓

朱真祖曾

右永興至大寧中任

林祿

皇朝林俊遠祖

右年任無考

魏隨王昭

右升平中任

陶宏李崇

右興寧中任

江諒

右咸安中任

戴固

右寧康中任

賀期 王祐 載眇 王楚之 陶夔 孔粲

右太元中任

謝景興 劉延壽

右隆安中任

劉玄

右元興中任

張須元 殷隱 張裕

一作祐

胡祖 胡方生 張茂度

茂度 吳郡人 漢

張良七世孫 盧循為寇 覆沒江州 茂度及建安太守 受其符書 供其調役 循走 俱坐免官 後仕宋 為會稽太守 素有吏能 職事甚理

右義熙中任

劉宋

太守

顏胡樂探之

右永初中任

張先 項阮 彌之 沈雲子 阮仁之 丘祚 阮永之 顏仲文

劉隱范瓌王粹

右元嘉中任

何恢

右孝建中任

殷瑤王環之孔靈產

靈升山陰人孔珪之父解星文好術數齊高帝餉之

白羽扇袁隱几曰君有古人之風故贈君古人之服

當世榮之

江輝劉瞻

據郡為逆沈思  
千等討斬之

右大明中任

周景袁倅

晉平郡  
太守

謝颺虞愿

愿字士恭餘姚人立學堂教授生徒郡舊出蚺蛇膽

可藥有遺愿蛇者愿不忍殺去之二十里外山中放

之一夜蛇還床下復送之四十里外經宿復歸論者

謂愿仁心所感海邊有越王石恒隱雲霧相傳太守

清廉乃得見之愿往就觀了無蔽隱

右泰始中任

王秀之

秀之字伯奮瑯琊人為晉平太守遺書朝士曰此郡

承虞公之後晉政猶存遺風易遵差得無事期年來

還或問其故荅曰郡沃壤也珍阜日至人所昧者財  
財生則禍逐吾山資已足豈可久留土表請代時人  
謂王晉平恐富求歸

劉正

右元徽中任

內史

劉德愿

兼大守

右元嘉中任

齊

晉安郡太守

丘仲趨孔景之蕭世軌

右建元中任

王份袁利孔徹王德元

德元與謝朓相善在晉安有贈朓詩而朓荅之

王道實

道實晉陽人仕齊為郡守興子璋孫元規茲世有時  
譽

右永明中任

陳休尚

右建武中任

謝璟

右永泰中任

劉景超

右永元中任

內史

劉常

兼太守

右永明中任

王僧孺

見侯官文池

右建武中任

梁

晉安郡太守

范縝

縝字子真南鄉舞陰人在郡清約資公祿而已遷尚書左丞及還雖親戚無所遺贈

劉業彭永年崔遠珍劉融謝茂劉驥

驥字仲翔相人博識強正名行自居仕梁為左戶侍

郎特武帝每選長吏務簡廉平皆召見於前親最政

道始擢尚書殿中郎到漑為建安內史驥與同日出

為晉安太守竝以廉潔著名

王暕柳津徐崧蕭機

右天監中任

崔仁

右普通中任

徐慚

右大通中任

袁士俊臧厥

厥字獻卿以幹局稱為晉安太守郡中結聚逋逃前  
二千石討捕不能止厥下車宣化凶黨皆襁負出自  
居人復業然政嚴甚百姓謂之臧彪前後再兼中書  
通事舍人卒於無司農卿

右中大通中任

蕭永

以觀寧  
侯知

蕭正表

以封山  
侯知

蕭推

以南浦  
侯知

右大同中任

蕭基

以長樂  
侯知

右中大同中任

蕭雲

以賓化  
侯知

右太清中任

陳羽

侯官人世為閩中四姓羽有幹林為郡豪雄梁  
代晉安數反累殺郡將羽合扇惑成事後復為  
官軍鄉導破之錄是  
一郡最權皆自羽出

右太寶中任

陳寶應

羽之子性反覆多變詐蕭雲以郡讓羽羽年

或者十七八平民男女並皆自賣而晉安獨豐沃寶

應自海道寇臨安永嘉及會稽餘姚諸暨又載朱粟

與之貿易多致玉帛子女其有能致并乘者亦並奔

歸之錄是致貨產士眾疆盛陳高祖輔元帝時羽

請歸老求傳郡千寶應高祖許之紹泰元年授壯武

將軍晉安太守尋加員外散騎常侍二年封侯官縣

侯邑五百戶時東西嶺路寇賊擁隔寶應自海道趨

干會稽貢獻高祖受禪授持節散騎常侍信武將軍

閩州刺史領會稽太守世祖嗣位進號宣毅將軍又

加其父光祿大夫仍命宗正錄其本系編為宗室并

遣使條其子無大小並加封爵寶應娶州刺史

留異女異與江州刺史周迪數懷反側世祖遣征北

將軍侯安都討之寶應遣兵助異又資周迪兵糧出

寇臨川及都督章昭達既破迪也祖命昭達軍破

留異於挑支岸迪亦脫身遁眾軍繇建安南遊渡嶺

又命益州刺史余孝瑱督會稽東陽臨海永嘉諸軍

自東道會之以討寶應昭達踰東嶺頓于建安孝

順又自臨海道襲千晉安寶應家建

而水盛乘流放之突其水柵仍水步薄之寶應眾潰

身奔山草間窘而就執并其子

第二十八人送都斬于建康市

右紹泰中任

內史

江彥標徐悱

悱字敬業東海郟人幼聰敏能屬文位太子舍人出

入宮坊者歷稔以足疾出為湘東王友俄遷晉安內

史

右天監中任

監郡



羊侃

侃字祖忻泰山人治績著聞

袁狎

右大同中任

陳

晉安郡太守

譚瑱

瑱始興人初直桂陽郡外兵留異以晉州叛瑱從侯

安都破之于桃枝嶺以功拜假節雲旗將軍會陳寶

應復以閩叛異往歸之瑱率舟師討之天嘉五年俘

寶應于晉安并擒異送都以功擢本郡太守

王質曹仕明

右天嘉中任

豐州刺史

樊毅

毅字智烈湖陽人習武善騎射自梁歸陳陳武帝以

為豐州刺史

右光大中任

晉安郡太守

蕭紀以宜黃舉文奏

豐州刺史

駱文牙

右太建中任

章大寶

昭達之子至德三年朝延李暈吳惠覺以李暈代之大寶叛伏誅

右至德中任

隋

泉州刺史

劉弘

弘字仲遠彭城人少好學有行檢重節槩志立功平

陳之役以齊州長史表請從軍以行軍長史從總管

吐萬緒渡江以功加上儀同封護澤縣公拜泉州刺

史會高智慧作亂以兵攻州弘城守百餘日救兵不

至前後出戰死亡大半糧盡無所食與士卒數百人

煮犀甲腰帶及剝樹皮食之一無離叛賊知其饑餓

欲降之弘抗節彌厲賊悉來攻城陷為所害文帝聞

而嘉歎者久之賜物二千段使子長信襲其官

鄭萬頊萊桂國護韋冲來護兒

護兒字崇善江都人也幼卓詭好立奇節初讀特至

擊鼓其鏜踴躍用兵羔裘豹飾孔武有力捨書歎曰

大丈夫在世當如是隋平陳護兒有功進位上開府

從楊素擊高智慧于浙江賊據岍爲營周二百餘里  
舡艦被江素令護兒率數百輕艦直掩其營破之時  
賊前與素戰不勝歸無所據因而潰散智慧將逃于  
海護兒追至泉州智慧窮蹙遁走閩越進位大將軍  
除泉州刺史時有盛道延擁兵作亂侵擾州境護兒  
進擊破之進位柱國仁壽三年除瀛州刺史賜爵黃  
縣公邑三千戶尋加上柱國除右禦衛將軍煬帝卽  
位遷右驍衛大將軍大業六年從駕江都賜物千段  
令上先人塚宴其父老數歲轉右翊大將軍擊高麗  
破楊玄感皆有轉左翊衛大將軍進位開府儀同三

司江都之難宇文化及志而害之

右開皇中任

宇文弼

文弼字公輔洛陽人開皇初以功封平昌縣公入爲  
尚書右丞歷翔代吳三州總管煬帝卽位徵拜刑部  
尚書持節巡省河北還除泉州刺史歲餘復拜刑部  
尚書尋轉禮部尚書弼慷慨有大節博學多通歷職  
顯要聲望甚重物議時談多見推許帝頗忌之時帝  
漸好聲色尤勤遠畧弼謂高頴曰昔周天元好聲色  
而國亡以今方之不亦甚乎又言長城之役幸非急

務有人奏之竟坐誅死天下冤之

建安郡太守

陳昇揚許鄭韶

韶煬帝時為左散騎常侍大業中授

伏事最久累無恩恤元周忿恨以刀久伺其便值煬

帝有使到韶當遠迎犬即搜衣襟不令縛於手犬乃

繩斷仍前拽衣韶撫犬曰汝知吾有不測事乎犬乃

元周衣下果藏斷劍

閻弘吉

右大業中任

章世超章一作揚

右義寧中任

唐

閩州刺史皆都督及節度觀察等使兼領之今列其名其詳則載都督節度觀察中

王義童以都督府兼領見都督

右武德中任

薛登方叔述柳過以都督府別駕兼衛總持關長信劉伯瑛元韶

任弘毅以都督府別駕兼

右貞觀中任

薛士通王孝敬以都督府長史兼

右永徽中任

王大禮

右龍朔中任

張承慶以都督兼袁德仁

右景雲中任

任乾英乾一作朝

右先天中任

梁惟忠以都督兼傅黃中謝光庭王崎一作琦田義昌

福州刺史

辛子言以都督兼唐循中以長史兼許融李亞丘以都督兼徐崎

右開元中任

長樂郡太守

盧昇明李昉裴悟高璠許炅劉寡悔揚知古邵某

右天寶中任

吉渾以經畧寧海軍使兼

右至德中任

福州刺史

董玠以都防禦使兼李承昭以節度使兼

右上元中任

李錡以都團練使兼見本使皇甫政鮑防以都團練使兼見本使

右大曆中任

常袞孟暉並都團練使

右建中中任

盧恁吳詵吳湊鄭叔則王翊李若初柳冕閻濟美吳自

詵而下並都團練使兼

右貞元中任

陸庶以都團練兼元義方裴次元以都團練兼薛謩元錫裴

又以都團練兼

右元和中任

徐晦以都團練使兼衛中行

右寶曆中任

獨狐朗張仲方以都團練兼桂仲武以觀察兼段伯倫以

觀察兼

右太和中任

唐扶以觀察兼盧正以觀察兼

右開成中任

崔于裴煒羅讓以都團練兼李貽孫以都團練兼黎植揚

發以都團練兼王鎮以都團練兼

右大中中任

杜宣猷孟彪李瓚以觀察兼李景温以都團練兼

右咸通中任

李晦練以都團李播練以都團韋岫

右乾符中任

鄭鎰練以都團

右廣明中任

陳巖以都團練

右中和中任

范暉

右景福中任

王審知命兄潮

右乾寧中任

王延翰王繼鵬王繼昌自延翰至此皆閩王氏所授刺史

李孺贊吳程錢弘僊錢元璿錢佖錢俊鮑脩遜作讓

脩遜寡言語總軍整肅累官上直指揮使衢州刺史

開運四年為成將護李孺贊于福州孺贊叛脩遜殺

之傳首錢塘周顯德三年從吳程攻常州以應世宗

之師至宋建隆元年知福州彰武軍事後為上直諸

軍都鈐轄使同叅丞相府事

孫贊明孫承祐沈承禮錢昱自李孺贊至此皆吳越錢氏所授

宋

福州大都督府長樂郡威武軍舊領福建路鈐轄建炎三年升帥府

按宋史初革五季之患召諸鎮節度會于京師賜  
第留之命朝臣出外列郡為權知軍州事以  
兵州謂中書樞密院文武官參知軍府二品  
上及帶中書樞密院文武官參知軍府二品  
監諸府置州府事一院宣徽使職事知軍府  
人州軍監亦如之知州事一員總掌理郡政  
善糾其奸惡歲時勸課農桑旌別孝弟其賦  
穀獄訟之事兵民之勸政皆總焉自紹興後知  
多無安通判軍州事二員初貳郡政與長史均  
撫使錢穀戶口賦役獄訟聽斷之事廢得刺舉  
凡兵民錢穀戶口賦役獄訟聽斷之事廢得刺舉  
與守通簽所部官有善否及職事脩廢得刺舉  
聞發書判官廳公事一員節度推官一員節  
度判官一員觀察推官一員觀察判官一員

節度掌書記一員觀察支使一員自簽判而  
贊郡政摠理諸案文移對酌可否錄事參軍一員  
糾諸曹稽違司戶參軍一員倉庫受納賦稅司法參  
軍一員斷刑司理參軍一員鞫獄勸  
州學教授一員以經術行義訓導諸生掌其課試  
文學兼居鄉有德行者克之  
知州事

揚克讓見轉侯贊  
贊太原人開寶中歷知建安軍揚徐二州具有善政  
太宗卽位移知福州  
何允昭商夷簡  
右太平興國中任



孫逢吉

逢吉先是以駕部出守泉州以精忠厚德見稱真德

秀守泉舉與程大昌顏師魯林圻韓國華陳偁趙鼎

並祀

魏咸熙

右雍熙中任

源護

右端拱中任

李偉張昭允張從式馬亮見提刑

右淳化中任

馮礪陳象與

馮伉

伉新安人馮延魯之子文辭清麗累遷殿中侍御史

歷典藩郡皆有治蹟知本州率官特賜錢十萬錄其

子玄應同學究出身

右咸平中任

謝泌

泌字宗源歙人知州事代還卒民縞素祠祀之繼守

嚴辟疆問民曰謝公治郡何道見思民曰謝公吾天

地也不權不威訓其不率而責其無良訟幾息矣辟疆尚嚴聞言而寬

袁逢吉

逢吉字延之鄱陵人初知夔州會遣使川陝採訪循吏逢吉用治迹聞賜詔諭還知福州

嚴辟疆李欣王平

欣平俱見甫田縉紳

任曉

王世昌康孝基王臻

臻字及之汝陰人閩人欲報仇或先食野葛後遇仇

家求鬪即少其處以誣仇人臻辨察格鬪狀被誣者徃徃釋去又民間惡少利掠人數以火訛相驚悉捕

首惡杖流之敝俗變焉

右天禧中任

陳絳絳莆田人知福州駐汙狼藉明肅太后以閩宰使二相退至中書王沂公曰陳絳猶吏也非王耿不使足擒之呂許公俛首曰耿亦可惜也沂公不諭時耿為侍御史遂拜轉運次日耿有福建路衙校押進奉荔支到京拜耿馬首偶問其道山路川風候校應對詳明遂密訪絳校泣曰福州之道人以為終世不見天日也豈料端公賜問遂條陳數十事皆不法之極耿大喜留校行臺耿子不肖私事皆不實而校遽首嘗納禁取盡發校事聞置不獄事皆不實而校遽首嘗納禁器于耿子事聞置不獄事皆不實而校遽首嘗納禁淮南副使皆如許公所料

胡則

則字子正永康人乾興初坐丁謂黨自太常少卿降  
知信州徙福州雖無廉名顧果敢有才張希顏奏請  
福州宮莊田納一稅外仍令輸租米則奏止之前守  
陳絳嘗延蜀龍昌期為衆講易得錢十萬絳既坐罪  
遂械昌期至則破械館以賓禮出俸錢償之昌期嘗  
註書詭誕穿鑿嘉祐中詔取其書時年八十野服詣  
京師賜緋魚絹帛歐陽脩言異端害道奪賜服歸  
章頰見浦城尹錫孫鄭載亦入載亦以  
循良稱民為歌曰前有謝王後有鄭章

右天聖中任

高覲

覲字會之宿州蘄人初為京西轉運使徙益州奏罷  
彭州採金之役王蒙正恃章獻太后親多占田嘉州  
詔勿收賦又極論其不可坐失察嘉州守張約受昧  
貶通判杭州徙知福州

右明道中任

張沔梁逸謝微范亢

右景祐中任

許宗壽

右寶元中任

沈邈

邈字子山弋陽人進士及第起家補大理評事知侯

官累遷都官員外郎歷知福州疏爽有治才增學田

延舊儒講經術立課程要束以示學者仕終刑部郎

中知延州蔡襄贈邈詩有荷葉新詞天下知之句

王逵蔡襄

見仙遊

成戩

右康定度曆中任

李上交曹穎叔

穎叔字秀之譙人皇祐中儂智高寇嶺南朝議以閩

中兵備久弛擢天章閣待制知福州推恩行利剋煩

去蠹治不下古人

右皇祐中任

劉忠順燕度

見兵馬

范師道

師道字貫之長洲人進士及第為撫州判官累遷兵

部員外郎無侍御史知雜事判都水監與諫官御史

數奏樞密副使陳升之不當用升之罷師道亦出知

福州夙厲風操有聞於時

劉夔

見崇安

元絳

絳字厚之錢塘人奏罷閩中錢氏時無名徵以文學為吏民師範治蹟所蒞皆有異政

右嘉祐中任

張伯玉

見建安

右治平中任

程師孟

師孟字公闢吳人累領劇鎮簡嚴為治擿伏發隱所

部肅然來知州事修築子城拓舊基西南隅濬隍造

橋半載訖工第用錢二十萬耳一時治行為東南最

歷洪福廣越皆有生祠

丁竦元積中曾鞏

鞏字子固南豐人來知州時劔州將樂盜廖思既降

餘眾復合陰相結附旁連數州鞏用計散之或歸或

擒遂奏增並海巡簡員徼察之境內盜自是盡息福

多佛利且富饒僧爭為王守賊請公行鞏俾相推擇

籍次補之舊無職田歲弼園蔬收其直直以三四十

萬鞏悉罷焉自不遣人至縣令縣亦不得遣人至田

里政行禁止囹圄屢空吏民初憚其嚴已而安之

右熙寧中任

孫覺

覺字莘老高郵人閩俗厚於婚喪用財無藝覺裁為中法資裝無得過百千塋埋之費率減十五民有欠市易錢者繫獄甚眾適富人出錢五百萬以葺佛殿請于莘老莘老曰佛無露坐而民囚拘脫民之囚何如壯佛之居代輸市易福利不更倍邪富人曰諾繫一日空矣

劉瑾

瑾字元忠吉州人素有操尚所蒞見能然苛嚴少縱舍

謝卿材

右元豐中任

許懋見仙遊林積見尤溪柯述見南安范岫王祖道

右元祐中任

葉伸温益

右紹聖中任

程之邵柯述再任

右元符中任

陳軒見建陽陳覺民見仙遊王祖道再任葉秉見浦城

鄧甯見沙縣

右崇寧中任

檀宗旦羅畸見沙縣

右大觀中任

孫琦張勵黃裳蘇曄見莆田陸蘊見侯官

右政和中任

孫焯余深見古田劉幹見崇安柳廷俊宣和七年為亂軍所殺

陸藻見侯官

右宣和中任

李友聞江常見惠安

右靖康中任

林安上林通見福清程邁

邁黥人知州事特建寇猖獗邁乞師于朝合孟庠韓世忠討平之邑人立祠以邁與孟韓合祀紹興間再

知州事

右建炎中任

張守

守字子固晉陵人登崇寧進士累監察御史建炎四年除叅知政事以資政殿學士提舉洞霄宮未幾知紹興府尋以內祠兼侍讀守力辭改知福州初偽閩以八州之產分三等之制膏腴者給僧寺道觀中下

者給土著流寓自劉夔守福始貿易以取貲守至官  
正當范汝為寇擾之後公私赤立因與士大夫謀為  
實封之說存留上等四十餘利以待高僧餘悉為實  
封金多者得之歲入不下七八萬緡以助軍衣食寬  
百姓雜科時實使之在鎮四年請蠲除福州所貸常  
平緡錢十五萬仕終建康謀帥卒謚文靖  
曾擢張致遠見沙縣折彥質張浚葉夢得浚夢得並見安撫使  
莫將薛弼

弼字直老永嘉人紹興間福州大盜有號管天取伍  
黑龍滿山紅之屬其衆甚盛詔陞弼集英殿修撰知  
福州弼薦章貢武士周虎臣陳敏可用朝命授二人  
官付以下壯千人凡四年而賊滅

張宗元王綸

綸字德言建康人為監察御史以忤秦檜罷檜次召  
為起居舍人累遷資政殿大學士知福州高宗解所  
御犀帶賜之

張澄方滋李如岡沈調辛次膺

見安撫使

王師心汪應辰

應辰字聖錫玉山人為秘書省正字以忤秦檜出判  
建州有政聲及知州事寬厚待民奏蠲一切苛政

右紹興中任



趙子清見宗王之望汪澈並見安撫使薛良朋

良朋字季益瑞安人始治麗水有聲後累遷吏部侍郎以學士出守福州扈蹕金陵佐戎淮甸人子召見

無虛歲及歸故廬深與人絕往還樵牧問

陳俊卿見莆田縉紳史浩

浩字直翁鄞人以前宰相知福州宅心平恕淳熙五年再入相

右乾道中任

陳俊卿再任沈復

復字德之德清人紹興中進士累官端明殿學士同

知樞密院事時大臣專政同列媚承夏中立不少貶

後以資政殿大學士知荆南四川鎮江歷知福州風

采聳然卒謚簡肅

梁克家見晉江縉紳趙汝愚見宗賈選馬大同

右淳熙中任

林研鄭僑並見莆田縉紳辛棄疾見安撫使詹體仁見崇安縉紳

右紹熙中任

木待問陳居仁見興化商派葉翥張抑

右慶元中任

何澹澹字自然龍泉人乾道二年進士累官諫議大夫兼侍講隊煥章閣學士知泉州移明州寧宗

卽位還爲中丞除同知樞密院事參知政事遷知樞密院以資政殿大學士提舉洞霄宮起知福州居外快快失意以書祈韓侂胄進觀文殿學士尋知隆興府後知建康江陵二府奉祠卒贈少保謚美安容善論談少年取功名急榮進阿附權奸主僞學禁賢士爲一空其後更化允黨俱逐澹以早退幸免

右嘉泰中任

蕭達李大性

大性字伯和四會人累官戶部尚書朝論將用兵大性獨言不宜輕舉忤韓侂胄意出知平江移知福州後以端明殿學士再知平江卒謚文惠

倪思

思字正甫歸安人歷知泉州建寧後爲禮部尚書因論事忤史彌遠力求去遂以寶謨閣直學士知鎮江府移知福州彌遠拜右丞相陳晦草制用昆命元龜語思歎曰此舜禹揖遜也乃上省牘請貼改麻制詔下分析彌遠遂除晦殿中侍御史卽劾思藩臣僭論麻制鑄職罷之思之治泉也新學政修城郭繕器械訓士卒浚河渠造橋梁葺候館立養濟院百廢俱興民不告擾真德秀將守泉思告老家居貽書問政告以毋崇宴觴毋豔琛貨靜以安民儉以化俗思歿有年德秀爲祠而託之曰泉守多矣不來祠而民祠之

有三人焉曰蔡襄曰王十朋其一思也

黃度

度字文叔新昌人知福州始至訟牒日千餘度隨事

裁決未午而畢史稱其守正不阿進退裕如粹然君

子也

葉時蔡幼學

見安撫使

衛涇程棹

見文提刑

揚長孺

見安撫使

任希

夷曾彥約

彥約字簡甫都昌人嘗從朱文公講學嘉定末以寶

謨閣待制知成都改知福州史稱其可與建立事功

右嘉定中任

王居安

居安字資道黃巖人淳熙中進士宅心公明待物不

二開禧中以司農丞知興化軍乞行經界法無言番

舶交易所得象犀翡翠諸物誨淫啓侈敝所恃以貿

無益犯者定按治之通商賈以損米價撥廢田以充

學廬逐捕盜賊萑葦肅清端平初以敷文閣待制知

福州尋提舉崇福宮將行鹽寇起寧化居安以書諭

汀守曰土瘠民貧於鹽可盡禁耶且彼執首惡自贖

他可勿治部使者遣左翼軍將鄧起提兵徃起貪夜

冒險與寇角以次軍遂清事聞命居安專任招捕既

留募軍校劉華丘銳等授以計畫至江而賊已至郡  
矣知帥有撫納意卽引退華銳出入賊中指期約降  
有以右班攝汀者自詡知兵欲出不意爲已功賊知  
之降約遂敗建劔諸郡竝江西嘯聚蜂起居安歎曰  
吾可復求焦頭爛額功耶卽拜疏歸  
楊棟見安撫使真德秀見浦城陳昉見建寧  
右端平中任  
魏了翁見安撫使余天錫  
天錫字純父慶元之昌國人來知福州當事謹愿其  
家居與弟天任友愛備至

曹幽

幽字西士瑞安人初爲左司諫與王萬郭磊卿徐清  
叟俱負直聲時號嘉熙四諫因論余天錫李鳴復忤  
旨遷起居郎進禮部侍郎不拜疏七上久之起知福  
州再以待郎召爲臺臣所沮遂以寶章閣待制致仕  
趙葵  
葵字南仲以大學士知潭州改福州史稱葵自端平  
以來朝廷倚之如長河之勢及其筋力旣老衛國之  
志不衰

刺右淳祐中任

陳德剛以制置使見本使

右紹寧中任

李鳴復見安撫使趙必愿見宗正徐清叟見浦城吳潛吳淵

程秘湯漢並見安撫使史嵩之陸德輿史宇之陳鞞見侯

紳董槐馬天驥見安撫使陳宜中宜中歲餘入為刑部尚書

後并右丞相元兵入臨安宜中走暹羅卒航海

自逃之占城元兵伐占城宜中走暹羅卒航海

江萬里見安撫使王鎔見安撫使

鎔知州事撤廟學舊燬而新之餘天駝李魯齋

洪天錫觀縉江吳革

革知州事雅重風化嘗創道立堂祠濂溪以下諸賢

而附以賢牧又創經史閣官至戶部尚書

右咸淳中任

馮熙載

熙載字彥為舉進士宣和中繇尚書左丞遷中書侍

郎知亳州再知福州引疾領祠卒諡文節

鄧文饒雷宜中趙順孫見安撫使趙與懌王剛中

右年任無攷

謝徽見晉江縉紳

右皇祐中任

通判軍州事

劉滋見崇安許景衡

景衡字少伊瑞安人聞程氏講學洛中特往師之舉  
紹聖進士通判福州除監察御史王黼惡其多言以  
他事逐之欽宗初召試中書舍人高宗卽位除給事  
中遷御史中丞拜尚書右丞金兵逼京師時相請降  
景衡申請幸建康言者希旨沮之遂乞罷政以資政  
殿學士提舉洞霄宮學者稱橫塘先生

右紹聖中任

陳鑄林並見莆田鄧三鳳

三鳳字鳴陽東安人博學名詞賦舉賢良方正紹興  
壬戌進士判福州以薦躬閱御書叅訂儀禮復上書  
追論王安石父子進禮部尚書乞歸道卒所脩宋儀  
禮制議論方正有古史風

右紹興中任

柯知彰傳天驥並見南安

右嘉寧中任

陳傳良

傳良字君舉瑞安人師事承嘉鄭伯熊薛季宣及入  
太學與張栻呂祖謙友善既登進士爲泰州教授改

大學錄出判福州梁克家領帥事委成傳良傳良為  
精畫凡一路若郡所當興廢及訟獄之曲直一裁以  
義無所回屈強禦者不得售私始忌且怨右正言黃  
洽以專擅論罷之傳良嘗為中書舍人會光宗疾作  
久闕南內定省中外切諫一日得旨過宮百僚班候  
光宗已出御屏後后叱之傳良哭於廷后遣人問之  
曰此何理也對以子諫父不聽則號泣而隨之后益  
怒傳良下殿不返舍徑出國門寧宗即位復召為中  
書舍人會黨論起遂奉祠久之起知泉州以疾辭除  
寶鎮閣待制卒諡文節

右淳熙中任

姚希得

希得字逢源一字叔剛潼川人嘉定十六年進士以  
薦為福州通判之官徒步至候官吏不知也累叅知  
政事咸淳五年卒贈少保希得忠亮平實清儉自持  
其為相時好引善類有論薦于上而人莫之知者

許伯詡

見同安  
縉紳

鍾元鼎葉偉江濤

右年任無攷

黃巖縣

見惠安  
縉紳

右咸淳中任

簽書判官廳公事

陳公琰

右治平中任

胡銓

銓字邦衡廬陵人紹興中為樞密院編修上疏痛排和議乞斬秦檜孫近王倫檜怒黜銓監廣州鹽倉尋改簽書威武軍判官乾道中以集英脩撰起廢知漳州尋改泉州尋趣奏事留為工部侍郎漳泉二郡並未嘗至仕終資政殿學士謚忠簡

右紹興中任

觀察推官

李思義

右治平中任

林深之

見莆田縉紳

羅必元

見汀州事

趙汝域

見宗

右嘉定中任

毛蘭

蘭字君玉松陽人有孝行以進士任時宰相趙汝禎親黨曰林冕者有罪下獄使人夜懷金私之正色不受復賄當道怵之不為動卒正法汝禎聞之曰毛公執法如此何有廷尉乎



右淳祐中任

節度判官

王珪

右天聖中任

董汶

右嘉祐中任

觀察判官

沈唐

右治平中任

參軍學職賢者附後

司理參軍方峻景祐中任見羅疇熙寧中任見方僑

見興化張次夔見建寧余武揚見莆田

司戶參軍練幹譽見建安羅博文見沙縣

教授陳烈皇祐中任見周希孟嘉祐中任見陳汝錫

汝錫字師予青田人紹聖中任教授穎悟善屬文或

以其詩示黃庭堅有閑愁莫浪迷雷為痛飲資之句

黃孝節歎賞曰我輩人也

張讀崇寧中任見劉翔見浦城常濬

濟臨印人紹熙中任建經史閣廣置書史以教生徒

請朱文公為記

洪邁紹興中任見朱猷孫任教授有時名鄭樸翁

樸翁字宗仁平陽人咸淳十年賜上舍釋褐歷福州

教授尋除國子正宋亡元發宋諸陵取其顱骨築塔

餘委棄榛莽中樸翁與友人林德暘等痛憤不已相

率為採藥者至陵上以草囊拾收之事既歸隱薊山

瀑下其卒也德暘志其墓稱樸翁沉毅直方自許致

君澤民志不獲遂猶以言語文字扶植剛常精衛填

海馮霄銜士重可悲也

元福州路總管府

達魯花赤一員以蒙古人任總管一員以漢人南人任上二職皆

路長並兼同知 治中 判官各一員並佐推

勸農事 官二員刑理經歷司經歷知事各一員 提控案

牒 司獄司各一員 儒學教授 學正 學

錄各一員 蒙古學教授 學正各一員 三

山書院山長 醫學教授 學正 陰陽學教

授 學正各一員 永豐倉監支納大使副使

平準行用庫提領大使副使 鹽倉大使副

使 宣慰司崇盈庫本路常盈庫官無廉訪司駐罰庫

本路常盈庫副使無本路常盈庫監支納一員 副使二

員 運司廣盈庫監支納大使副使 在城稅

務提領大使副使 在城站正提領副提領

脫脫禾孫 副脫脫禾孫各一員掌真偽錄事

司達魯花赤以蒙古人任錄事上二職皆司長專官

盜賊判官兼捕盜事以典史各一員司幕

王翰任同知見行省

林以順元末任福州路同知見莆田

項棣孫天曆中任福州路推官見延平路

熊朋來字與可豫章人宋咸淳中第進士元初隱處

提

州里江西省臣列薦為閩海推舉儒學朝廷以來南

儒學之士惟福建廬陵最盛特起朋來連為兩郡教

授所至考古篆籀文字調律呂協歌詩以興雅樂制

器定辭則必古式既滿考以常格調建安簿不赴晚

以福清判州致仕

雷德潤任福州路教授見建安

劉直內東武人大德中為府學教授改創尊道堂以

祀先賢而列祀鄉賢賢牧於兩廡卒祠學宮

潘從善字擇可台州人至正中進士累官承直郎同

知制誥無國史編脩終福建儒學提舉著有松溪集

皇朝、知府一員 同知一員管清軍 通判三員舊一員督

屬縣稅糧一員捕盜後增設一員駐古田杉洋今改福寧防海

經歷司經歷 知事 照磨所照磨 簡較各

一員 司獄司司獄一員 儒學教授一員

訓導四員 織染局大使副使 常豐倉大使

副使 三山驛丞 三山通運所大使 陰

陽學正術 醫學正科 僧剛司都綱 副都

綱 道紀司都紀 副都紀各一員

知府

楊士英

士英為政廉潔嚴明興禮讓厚風俗凡百建置俱有

條理清譽大振鄰郡則焉

董彥哲李庸廖崇德劉鑑朱季用

季用仙居人洪武十八年以薦知福州視事五月有

詔盡革今歲以上天下有司積年為民害者例起入

京以法論罪作城輸役嚴重季用又病滯下被楚且

歿時以役告枉者多見誅謫季用子煦度告枉不得

乃忤訴通政 大祖覽得其情遂赦季用復其

官同時獲免復官十四人皆拜季用謝曰微君有子

吾儕骨肉城下土矣已煦感疾歿季用亦卒

右洪武中任

唐循中宋珉王榮

右永樂中任

張輝王泰

右宣德中任

張徽吳信

右正統中任

雷礪

右景泰中任

畢亨

亨單縣人清而能恕吏弊去大甚加意學政縉紳愛

悅官至都御史

右天順中任

吳淵周鈍鄭時

時字宗良鄧城人景泰辛未進士授監察御史出知

延平蒞官嚴明濟以慈惠事無不集史罔售奸改知

福州南刑部尚書終官

唐珣

珣字廷貴華亭人天順丁丑進士以刑部郎中出知

正統後郡守見臺省大吏傳誑過當海內皆然珣始

至或言宜先謁藩省而後上任珣曰未成婦先見姑

璋乎謁御史一揖而已有奸人假中官名號在外行  
事直擒之爲政以興學勸農爲先新學宮增築書院  
延師以教郡子弟設叢塚置義倉創迎春亭于東郊  
時省畊歛江洲可田者令民墾藝五虎山下海潮害  
稼堤障之先時會省諸監司徒役本郡獨當珣請均  
勞於諸郡水口三山二驛費儉不足爲褻小筭白沙  
之羸斟酌損益無不悉中旣了然頡頏上官前上官  
嘆噫也一日御史突至府中簡閱庫獄文簿無毫髮  
可摘責御史亦服之後官至都御史郡人祀之西郊  
百餘年稱賢守者必曰唐公唐公

陸珣

右成化中任

陳勉張遜

遜字時敏無錫人起家舉人知縣同安興學愛民刑  
清政舉大書縣堂曰民不畏吾嚴而畏吾廉不服吾  
能而服吾公擢知福寧州去之日百姓攀號間有十  
數父老齋金數斤爲贐不受送至三山情極懇款而  
辭愈力父老歸作亭榕溪之上名曰卻金立碑其下  
福寧同安稱賢守令以遜爲第一其守郡可知也

蔣漢

澗字子川上饒人撫字勤勞而峭直不屈鎮守中宮  
橫恣澗守法無所徇靈濟宮舊遣中使掛袍歲費公  
帑萬計澗請罷之詔命六年一遣鴻臚官一至其說  
自澗發也以不合上官自免去

右弘治中任

尹灝王子言余祐

祐字子積鄱陽人受學胡居仁居仁女妻之起家南  
刑部忤劉瑾落職瑾誅大臣以廉直執法薦起知本  
郡愛人卹物治獄先大體鎮守強買市物不予直市  
民來訴祐涕泣遺之將以狀聞于朝鎮守爲稍戢會

天旱請禱而鎮守曰余知府自謂愛民必能感動天  
地可使獨禱祐齋戒禱雨隨應鎮守慙復思傾祐遣  
人陰搆于廠衛曰不去余知府鎮守不得伸手也旣  
媒孽無所得則謾爲好言曰余知府好官我豈不敬  
之但好官亦無容慢我我欲遷矣後兵備徐州竟以  
忤內官被逮官終吏部侍郎

葉溥

溥字時用龍泉人少從學閩中人情土俗備知之矣  
及來爲郡每聽訟片言而決無敢欺者蒐舉祀典崇  
獎節義教化大興

歐陽鐸

鐸字崇德泰和人自南兵部出知延平延俗尚鬼祠  
祀不經堊親率飯僧事佛連三五晝夜作無遮會又  
盛酒饌集賓朋謂之姻堊費不貲以故喪不易舉至  
一家停數椽鐸首禁之悉撤淫祠以其材葺黌舍社  
學作延平先生書院買贍學田進諸生講禮蕭司禮  
敬郡人也其家有省郎有錦衣使家人憑藉暴橫莫  
誰何周廬列肆侵官衢半鐸因行救火令民十室輒  
斃者至諸所法豪右往往涉蕭氏蕭氏奴殺人異時  
率置不理鐸立捕坐之百方說不得脫家人沒其事  
實讒之司禮司禮大怒與其黨謀以刺事械逮鐸京  
師陸冢宰微聞因徐救解之尋舉劇奏調福州鐸以  
爲此蕭司禮欲困我於會城使我日與鎮守太監忤  
將藉手甘心焉遂上疏引疾部議不可而鎮守尚太  
監果盛氣待矣至則裁供饋禁橫索鎮守府不得肆  
門客數喉尚欲有所泄怒會頒胙鐸謂神惠取盡散  
祭品不當益以市肉於是諸司胙損舊十之九又不  
及鎮守諸客尚怒曰往胙我特豕特羊今何得不如  
故耶令隸委胙府庭去鐸陽爲不諭意謂相禮諸生



尚公無乃以相勞持去割分之詣鎮守謝及迎春又不設雜劇會鎮守府尚益怒鐸以爲時當布德施惠若傷財殘民何春之爲迎尚不能屈則借他事爲名肆詬罵欲因激發相毆擊鐸茅瞪視尚尚至低廻迫塞出語悖謬鐸徐拱手言曰此非臣子所宜言上聞之無不可耶徑趨出鐸守兩郡率約已裕民正法督奸尚偵伺數月絲毫無點染乃因三司官謝過焉於時客過府城至不能張宴而上官所索辦不復下福州府皆公相獎譽內心殊不喜會又審編里甲鐸謂福州海六山三田賦僅十一里長正役不得優仕宦盡免偏累齊民於是闕然議起謂方稜乖戾非人情不可近獨御史汪珊益敬鐸不爲搖嘉靖初入覲舉治行第一賜羊酒綵段後仕至吏部右侍郎謚恭簡

右正德中任

汪文盛

文盛字希周崇陽人正德辛未進士授饒州推官以法繩強家被誣搆逮繫從狴犴中誦春秋三傳著爲說誣釋還治入爲武選主事以諫止南巡械獄文盛有吏才足智多畧初至值大侵疏乞蠲租發廩復四

鄉倉倣朱文公備荒法行之中貴奉命掛袍靈濟宮  
鎮守市舶三臨虐燄民間洶洶文盛令耆民率老稚  
羸俛自言歲歛號呼乞賑卽入言曰荒年民困救死  
不贍請戒下人無騷擾聽知府約束不則恐變皆許  
之乃裁供饋申禁令附郭三縣里甲無糜費鄉市按  
堵他若興水利減丁錢省傳費議處琉球私舶法施  
於後政暇則課諸生教之爲文復古其操下嚴一錢  
不得妄冒官終大理寺卿

朱豹

豹字子文上海人歷官有廉聲廨中有鷓鴣豹幼子  
察卿玩弄之臨行欲持歸豹妻急止之曰爾父未嘗  
持官物二鳥亦官物也可持歸

汪堅胡有恒

有恒字貞甫山陽人嘉靖癸未進士勤敏練達治敦  
禮讓議僱役法不復任富人以蘇驛傳之困列郡倣  
行之建寧有陳咸者被誣坐大辟十九年有恒白而  
釋之永春盜流劫所司誤獲五十餘人謂其盜也拷  
掠瀕死猶不得狀下有恒鞫治有恒見穉子一人嘆  
曰焉有盜劫而繫其子乎反覆詳讞皆得不死博學  
好文官暇引諸生與講解經義論謂其善教可匹常

衮官終廣西布政使始有恒政尚糾猛撻笞禁人聲  
時頗病之繼者用寬狎翫偷窳思有恒矣萬曆中巡  
撫龐尚鵬以有恒與葉溥歐陽鐸汪文盛並祀曰福  
郡四賢守  
沈大楠陳大綸鄔紳鍾允謙  
允謙父芳嘗同知漳州仕至戶部侍郎允謙嘉靖己  
丑進士任官有惠政  
吳應奎翁伍倫祁清吳崧伍典胡帛

右嘉靖中任

邊維垣

維垣字師甫彭縣人簡靜敦慎有清介之守

右隆慶中任

陳楠

楠奉化人治郡以廉聞孫御史鏞嘗過邑人林文恪  
爇問福郡吏孰賢者爇曰莫賢陳郡守曰何賢曰廉  
吏也曰賢止廉乎爇曰某少也從家君遊京師聞有  
戶曹梁尚書者金陵人也豫章夏少師有寵貴倨獨  
梁尚書不屈邊臣請內帑重人得賂爲之地梁尚書  
每節不與也御史矍然曰公稱是語也何故曰固也  
爇詰言之夫梁尚書者國家賴之者也尚書惟持廉

故能自立夫士必有守而後可有為孫御史乃知燠  
為楠發之也屢稱善也

李應蘭潘願龍

願龍字躍卿錢塘人居官凜有風裁斷獄精敏士民  
左右皆以嚴見憚

宋堯武顧顯仁蕭敏道

見鹽運同知

江鐸

同知

鐸仁和人故世家也有揮霍之才而持廉不渝仕終  
兵部侍郎

王士琦車大任彭應捷

應捷字讓甫光山人清約勤慎平易近民

黃似華孫大壯喻政

右萬曆中任

全同知

宋貴濱

一作實

右洪武中任

周孟初

孟初字仁長象山人繇舉人授鎮江府同知改福州  
府八年公廉方介鋤抑豪右閩人號為鉄面陞泉州  
知府未至卒

右宣德中任

郭琰

右正統中任

古永昌

右天順中任

丘晟

濟字子舟海陽人以舉人任龍巖知縣正通敏措置

經營悉中程度時汀寇發隣境皆受害龍巖賴濟以

全陞同知本州縣人久而思之

右成化中任

陳睿黎環張壘周澤

右弘治中任

徐浚王銓葉鉄陳鑰

右正德中任

夏玄朱世忠胡瑞

瑞新喻人短於才而廉疾惡太過常不見其喜色人

目為胡悶官終長史世惜其不究

劉瑗顏參張魯徐北張仲孝章美陳邦治梁符

右嘉靖中任

張敏德

右隆慶中任

周鐸

鐸太倉人端方明允庭無留獄

盧中鄧于藩温景明嚴昌世陳蠻生鍾大成

大成字元聲高要人寬厚慈祥每決訟輒令近案細語反覆曉警言全貸為多其守亦最於郡丞

郭立言許在廷閔有功鄧全悻

右萬曆中任

通判

陸鎰

鎰先丞建陽處事明敏有方畧嘗與知縣郭伯泰同

奏害民軍旗同被嘉獎陞本府通判

右洪武中任

朱瑛唐忠

右永樂中任

劉澈

右正統中任

鄭祺

右天順中任

張珽汪瀚毛祚羅鏗周仁廣陸璘

右成化中任

吳鑾陳英劉璽陳釗程海

右弘治中任

黃溥陳九經田惟立一作丘揚卓葉元暉莫懼

右正德中任

黃瀾鄧朴劉璣姜芳朱時通劉子明何傲劉身魏頌

姚一扣王正中楊嘉慶

嘉慶寧國人通敏和厚

朱綸陳壽何音徐訪陳佃談文惠劉賢主製謝伸賢

劉廷表譚秉清邢宗旦張偉萬象譚用諫孫大慶彭

登瀛張思獻文濟武陶弼周召崔吉仕良翰

右嘉靖中任

易信陸夢斗劉守禮

右隆慶中任

孔人龍張霆王守恒鄭敦復趙道隆陳祈董金黎紹

詵朱與交王銓戚肇元熊文燧閻恒悟林有聲丘大

成萬廷寅沈有嚴見漳州同知翁遜得黃可清羅應辰王

賢卿樊維价王希樾莫遜仕李奇英汪學海傅弘祖

薛思紹沈如霖吳汝器古時學文尚賓

右萬曆中任

推官

管思義

右永樂中任

張斌傳允中

右正統中任

江祖

祖字崇善歙人廉謹而明郡無冤獄

右天順中任

馮瑤陳新民黎璟

右成化中任

曹文徐紹方李鏜

右弘治中任

張芹何文華錢應福周楫

右正德中任

張濟陳大成葉經

經上虞人矜容勵節遇事屹然有立入為御史數言

事分宜相深忌之以試錄語涉謗訕廷杖死

桂榮

榮上饒人才識敏達遇士大夫有禮入為御史著聲

臺中

王尚學



尚學馬平人貌寢有志操浦城巨姓以計殺三人獄具郡不能決監司移訊尚學有當事者得賄欲釋其罪尚學固持之後入為職方郎

俞柔黃正色

正色

光山人才守見稱

馮成能

成能慈谿人公廉明恕召為給事中

徐必進

李貞元

貞元字亨甫

應山人

貌若弱植

中心耿介

入為給舍

時聞讜論

李一中

右隆慶中任

楊茂先謝廷案劉日升

日升字扶生廬陵人萬曆庚辰進士師王時槐講學

而與鄒元標相善來為司理素習閱爰書必竟其首

尾而摘發如神大姓殺人賄代與其人約婦其女而

壻其子日升語代者彼詐汝耳汝身死而盟寒安能

夫扼吭斃之沈諸井而教婦誣其叔曰是故與吾夫  
仇者獄久不決日升呼婦前從容好語生計何如兒  
女何狀得無饑寒否婦感動日升愴然曰死者不復  
生償之何益但屍糜爛可傷耳婦忽夫口屍在井中  
未毀也遣人出之面如生遂伏法又有殺夫而焚其  
廬以火為解者日升謂火死者口有灰取二坩一灰  
一活焚之驗婦遂語塞黠僧利其師財潛殺之訟于  
官曰吾師嘗飲他僧所他僧不能辨日升視其刀有  
匠名呼問之則其徒刀也竟論其徒鄉紳子為中表  
所毒實假手于其婢而反誣其婦日升偶假寐夢三  
毒蟲在案傍若有人大呼楊六者詰之則藥果市之  
楊祿遂抵罪嘗視篆古田路逢負傀儡者遽命縛之  
曰而盜魁也訊之果然人以問日升日升曰吾貌得  
之耳藩司失藏金捕盜不獲日升視藏中有題壁以  
問藏吏吏曰此老胥某手跡逮而索其家金皆在無  
恙其所為神明多此類日升清恬廉敏而好慷慨譚  
時事嘗謂誤入一蔬一菓見輿隸必三日作至其臨  
事人或規之曰吾亦有口可泥丸封耶仕終應天府  
尹

李叔春施浚明宋之禎阮自華卜履吉周之夫

右萬曆中任

首領教官賢者附後

陳景著

永樂中任教授  
見閩縣縉紳

工鐸祥符人行恭學勤鄉曲有譽洪武中繇貢士授鳳翔教諭訓士有功陞府教授以最擢刑科給事中未幾超遷貴州按察副使


孔慶孔聖之後正德間教授為人和介遷官去諸生送至江滸者數百人咸依依不忍別顧承芳懷遠人嘉靖間舉進士願就教職却諸生餽謝士服其廉奉教令無敢違者

潘松字惟喬宜興人篤孝友不欺屋漏為鄉論所重嘉靖中以舉人教任丘有聲擢新城令以不便承迎復乞改教得教授數與督學爭是非項喬何維柏甚重之有所諮問移手書不下檄稱先生而不名其官宋文清字大之和州人萬曆中教授為人溫雅樂易不為矯矯之行勅貧士母以贄見課菽按月為程被賞識者後先脫穎擢藩傳不就門徒立石以紀去思

石室唐碑

石室唐碑  
石室唐碑  
石室唐碑

當其時天子親臨  
不為爵者之行  
宋文龍聖大文  
東文亦南送問  
野之如始於  
人始其也  
其與人之



石室唐碑

